

豐潤縣志卷之三

郝增祐受山

知縣牛昶詢如甫纂輯

周晉堃鐵珊

孝友

薄于所生則其餘可知士君子勲業爛然而門內多慚識者鄙之若夫編毗童穉一節之奇千百世猶低徊欲絕焉無他誠能及遠相感以天也豐邑如辛大漢之善養其母聶捷元之抱頸迎刃暨魏禮中王有德以下諸人皆足以增光簡冊牽連錄之一以覘此邦風俗之厚一以徵國家教化之隆云爾志孝友

明徐得道事親以孝聞親卒廬墓三年後築廬處土隆隆起高丈餘至今猶存

谷 選號北峯都御史嶠之父也行四敬兄如父析產後母悅與之同居善養有方母壽九十七

劉大本字尙質庠生事母孝及卒廬墓躬負土石築塚甚高朝夕拜泣有蛇兔馴擾之異

陳 金開平中屯衛千戶少家貧恒以不逮奉養為憾待異母弟尤周摯弟沒撫其遺孤恩



養兼至

馬敬坊市里人性至孝母卒廬墓晝夜號泣不止鵲巢于廬狼宿于墓皆馴擾不驚巡按御史嘉其孝請免本里雜役鄉人德之

魏文傑年近古稀奉養老母備極周至人皆以魏孝子目之知縣劉佐旌其閭

按王舊志孝義傳錄孝子六人羅舊志只載徐得道谷選劉大本三人餘從刪削不知何所見也明史臚馬敬姓名而遺其事跡今悉依王志彙入邑乘足以信今傳遠惟其公而已事隔百餘年豈得以己意爲予奪耶

曹士真字金石庠生髫年失恃事繼母以孝聞知縣李爲樑旌其門曰孝嫺先賢

辛大漢辛家莊人赤面長鬚一飽斗粟舉數百觔物如弄丸性剛尙氣獨聞其母聲則垂首如伏雌家貧常不飽而奉母則無或闕爲人傭遇肉必減餐遺母歸必市菓餅母啖則喜偶不食則憂母卒鄉人爲市棺葬之大漢病未久亦不起蓋悲哀窮餓所致也邑人曹鼎望爲之立傳知縣吳慎有詩入文苑

王有德世居南村以農爲業父母早亡與兄有道相依如左右手兄老而鰥無子有德父事

之一日以飲食之故妻有怨言立出之婦翁謝之鄰里勸之不從兄泣曰日月既久異姓人有後言亦常情以我故棄而妻拋而子破壞而室家我則何安因不食有德偕其妻泥首謝過乃歡聚如初知縣吳慎有詩入文苑

國朝聶時彥時秀隨父慎任雞澤訓導父卒于官扶柩還舟次漳河遇寇搜財無得疑藏於棺將剖之時彥抱病被執時秀哀求不獲免乃奮臂大呼曰苟暴父尸何以生爲遂罵賊赴水死賊怒復欲殺時彥彥子捷元方十歲抱頸迎刃曰我可殺乞留父命賊義而釋之乃得抵里完葬

唐 晉字子封鉅族也父消心以德望名重當時晉幼失怙恃哭則泣血已啜粥飲水矣豐於貲而性質樸無膏粱氣束修圭潔行同寒雋育於長兄居仁事之如父出告反面銳事必稟命行不卽諾不舉也久之兄以他事涉訟逾年事且不測晉列諸生甫弱冠不避斧鑕事獲昭雪數萬金之產盡矣至鬻宅他徙無怨色終身不掛齒頰友愛老而彌篤時以絲竹陶寫年近九十無疾而卒

魏 鎬字君處入庠歸而母已卒哭則絕倒老而不廢事繼母如所從出撫異母弟無間言

三世不析產以食指多令各計口占田廬年甫四十遠歸而妻又死不再娶讀書別墅日夕忘歸如是者週一甲子孫曾非朔望不見也惟憐弟鏗早失母非對案不食弟亦盡禮歡洽夜臥必撫摩痾癢焉其高風清望自畿東達遼左士大夫之行過者往往下車問訊怡然就道知縣王夢麟方檠如仰其耆碩時過從訪時政鎔惟菴茗清談而已逾九十不釋卷抄古書細字日猶數幅夙興夜臥有常候子潛年七十一工色養父子肩隨倚杖臨風望若圖畫年正百齡康熙五十九年瞑而逝

魏禮中生員元章長子也八歲喪母時時背父繞墓號而臥耕者憐之負以歸父子同被口授小學語孟皆記不忘及人塾經書成誦久矣父侍祖疾於城時方十一當戶若成人十六通五經文藝可觀父猝瘋疾不起乃棄詩書採薪汲水獨肩勤苦延師訓弟昌齡爲諸生父病且十年年二十二始肯受室非間月不入也嘗言父未四十鰥居不娶恐繼母妬子今病入膏肓忍不伴起居乎父之轉側非禮中則不安親滌穢惡小焉者耳二十有四生子廣業慨然曰今後可隨事父母矣家道南而父居道北書室遂足不及闔無何弟得危疾臥西偏禮中日夜兩屋奔走不解衣不伏枕不交睫方假寐坐息而兩屋呼喚疊至

年餘困不支僱僕永壽侍疾嘔血滿堂仆地而死妻孥道南不見也永壽猶多睡往往中夜驚而走曰不敢不敢云被禮中夢中所毆如是數四懼而逃元章昌齡相繼半月死矣嗚呼豈真有鬼孝子耶

鄭奕均字又白國學生天性孝友事親終身不懈敦睦族誼代捐官賦鄉黨稱之

魯本質字素菴聊城令文鵬之孫州同經之季子也幼以孝聞長繼叔喆生爲嗣事孀母顧氏致敬盡禮依依承歡終身如一日卽顧亦忘其非已所生子也與堂兄弟析產義讓良田二十餘頃至今鄉族稱孝友者無不推素菴爲首云

楊思然行二兄弟五人析產已久思然仰體母志貧乏者時分給之

曹偉望字霽齋鼎望之六弟也性至孝幼隨嫡母歸審外家父繼祖偶中痰疾信至星馳觸路槐而斃救之稍蘇聲氣斷續卽云父無恙乎生母患熱自求冰夜行百里外目不交睫數日鬚髮頓白矣泣血三年中未嘗見齒老撫面痕輒泣然曰此吾父疾時志也倡修祖塋石壩工力獨鉅嗟乎可謂孝子矣

董尙賓國學生年二十四歲其父庠生正倫歿尙賓哀號如不欲生廬于墓側三年知縣張

公題匾旌之

曹永藻國學生賦性純篤尤敦孺慕承顏養志恪盡孝道事其父錚壽逾九旬如一日焉父歿水漿不入口日夜哭泣哀毀骨立竟至殞生識者哀之

楊棟行三生母谷氏早亡繼母張氏棟事之至孝母疾百藥莫瘳棟割左乳羹以進疾即愈知縣王之勳旌以匾曰純孝格天後棟因家貧流寓京城施藥餽口有子名春第由大興籍中乾隆戊午舉人棟年八十三赴順天府鄉飲二次 賜冠帶人以爲純孝之報

石天培秉性醇謹事親以孝聞父母之喪既葬廬墓三年知縣吳執中旌以匾曰純孝可風谷善寶其父懋嘗從其堂兄於江西永豐縣任所病故寄櫬興隆寺善寶時年十五聞訃痛哭曰父沒不能視殮天壤間罪人也匍匐五千里扶柩旋里形毀骨立君子難之

王振綱字整三邑咸甯里人事父以孝事繼母孺慕極篤士林高其行誼欲衆舉之受旌賞綱以爲分內事固辭

魯崑貢生父卒繞墓興哀事繼母曲盡歡養族黨皆稱其孝乾隆三年督憲以匾旌之

魯璣字升中貢生兄弟五人璣居次父以二門乏嗣以璣承祧事嗣祖以孝聞嗣祖沒析

居家業應分爲二職堅欲均分宗族援大義責之不得已從衆論仍讓五分之一臨終又以長兄年老囑致地一頃以供甘旨云

劉邦甯白沫莊人父疾將危甯捧湯一甌至語家人曰海上方也可愈父疾以匙送之父咽盡汗出旋豁然矣家人奇其方迫問之不答見其左臂護痛乃得其故焉此乾隆乙亥四月事也

曹永紹字繩其國學生甕安令錚之仲子也性至孝事親能曲盡歡養始終無間方正自持不安交游惟以經書課子子六人棨廷槐樞極孟林枏各執一業並能不失家法

曹 鎮字豐年幼失怙恃伯兄鑄教養有方年甫十四補博士弟子員鎮亦能事伯兄如嚴父一切家政必稟命以行後因兄卒南和官署扶襯旋里葬祭竭誠迄今鄉黨宗族無不推其友于焉

宋 燦字星源刻志誦讀書法肖歐陽率更家雖貧而啜菽飲水色養怡怡父母恒相謂曰有子能孝我二人亦可以無憾矣設教於鄉得脩脯以供親膳親沒之日涕零皆血哀毀骨立旋卒

吳邦彥字美谷邑庠生中門莊人性孝友順治年邑令李公爾蕙頒孝友可風匾額以嘉之

補遺

王鱗昌字澁泉邑北關人乾隆甲寅科舉人家無恆產性甚友愛有弟四相繼沒教讀於家得修金必分給諸弟婦撫侄男女如己出每念亡弟常零涕焉著有目耕堂文集行世卒年六十八

陳廷桂字殿一小港人幼時家貧甚作小經紀以養母母賈氏性嚴厲稍不當意卽笞之桂長跽待罪俟色霽乃起或在別室聞母呼喚聲致心悸失箸晚年業小康孝敬倍曩日白鬚垂垂猶依依如赤子焉母壽至百有二廷桂亦九十九歲卒

徐獻文黃各莊人幼而失恃父敏樹負販遼東久不歸文事祖母暨兄嫂勤順罔迨祖母與兄嫂相繼歿文盡產營葬畢出關尋父備歷艱辛迎歸奉養年五十以勞疾終

丁永沛字潤之邑庠生青坨人父歿事母孝待諸昆友於甚篤且制行高潔鄉里咸欽敬焉谷 棠庠生西關人同胞四人年最少家貧養親無資教讀爲業以脩金奉甘旨親病侍湯藥至廢寢食親沒葬如禮後稍有積蓄卽調濟侄男女以助婚嫁宗族鄉黨皆稱之

賈子立王蘭莊鎮人家無立椎惟日傭工市甘旨以奉母嘉慶中頻年饑饉立隨衆瀕海販鹽爲邏者所獲囑以誣陷富民立曰此傷大理之事某所不爲且歸家無以見母及堂訊官憐而釋之管營田官繆公題其門曰孝義可風鄉里有貧者孝母賈子立富者孝母董天威之語天威邑庠生自有傳

董 隋字德華增廣生宋家營人性磊落尤篤於孝嘉慶癸酉在某王府教讀得家報父扶乾病亟時值林清之變京師戒嚴九門俱閉且府中不容他適因在館焚香稽首祈借己壽十年增父十日期得相見是夕起坐不安焦灼終夜次日鬚髮盡白及嚴解三百餘里一晝夜抵家侍湯藥十日乃翁卒同邑光祿卿鄭家麟爲之傳且歌白鬚行以美之歌入

文苑

李儒勇王蘭莊農人也母蕭氏年八十猶強健後得疾昏瞶不解人事起臥需人每便溺勇躬自滌拭頃刻不離數年無怠色母卒哀慟異常求善地葬之

鄭 宣邑諸生有孝行父患痰疾常在牀蓐宣服勤左右凡進飲食滌穢溺等事皆身任之或遇戚友慶弔有不得不身往者出必告返必速慮無人善事親也父病臥八年夜夜伴

宿始終如一日宋家營鹽運分司某公嘉其孝以匾額旌之曰純孝可風

吳 雙中門莊人十餘歲時其父患時症已劇夢食人肉而愈醒爲雙言之雙卽暗割股肉作羹進父食訖病若失因見雙帶痛苦狀研詰之以實告識者聞而歎曰童年有至性孝哉吳氏子也此道光中事

畢成銀邑之西河村農人也少孤母目雙瞽成銀日爲人傭工得錢卽備甘旨以奉母自給不暇屢至枵腹母嘗語人曰我有是子不覺貧也並不覺目之瞽也成銀年六十母猶康健數十年如一日鄉里感泣以爲僅見事

鄭 濂字月洲貢生世居邑之鄭家莊性孝友品端學粹尤耽吟詠出嗣伯父送終事畢仍侍本生父母與兄弟同居後生齒既繁家計亦索以舌耕爲一家生葬資篋瓢屢空晏如也年九十四卒刊有拙翁遺詩行世

石有聲事親至孝親歿廬墓三年兼有文學里人有刻其所作墓誌者至今猶稱爲石孝子焉

劉作楷趙官莊人也家貧而孝妻徐氏亦淑慎無違母患痰疾醫者云疾不可爲子又貧甚

徒費藥餌無濟也楷弗聽典產鬻器延名醫市良藥偶不足其妻以衣飾佐之而母病終不效夫妻更番守視不離床褥者數年並虔禱於神願以身代母歿後楷亦尋歿嘉慶中寶坻貢生徐振聲作贊以美之謂夫爲孝子妻爲孝婦焉

王福林桑垞莊人生數月父出關生理二十年無家書向母詢知父之年貌隻身東行徧覓之數年弗遇恐母之念已也歸而慰之未幾又出關徧覓仍未遇如是者三途次遇顛險耐凍餒不知凡幾後至江東遇一人面貌與母言合第衰老有病詢之果其父也奉之歸里不數日父病歿林哀毀幾不欲生里人咸歎美之

趙有鄰小嶺子莊農人家綦貧而性孝悌父病篤焚香籲天願減己算增父壽父既沒因兄有妻子祖遺之物悉讓與兄後爲人傭工稍有積蓄卽爲侄授室以綿宗祀終身不娶而卒

張克儉字節侯李家莊人幼時家貧父訓蒙於外儉爲人牧畜所裹餼糧悉以遺母長爲商獲利歸必一一陳几榻以博父母歡其弟克諧邑庠生勤學嗜古嘉慶元年奉九裘嚴親親赴千叟宴往復衣不解帶者月餘尤好行義舉本邑童試舊無公設棹橙諧首倡捐資

多爲置備立碑於文廟以記之應試者至今稱便焉

張 霽字嵐暉邑庠生張各莊人壯歲父母相繼卒歆粥寢苦哀毀骨立廬墓三年終身不與兄析產兄卒事嫂撫侄胥盡其道爲人慷慨好義精醫術施藥濟人從無德色年六十以疾終一鄉爲之罷社

李哲字福疇爽坨人幼家貧而性甚孝友四歲時即知懷橘讓梨及長作小經紀得旨甘必以奉母後因服賈獲利家稱小有奉養益隆母歿時哲年五十四嘗至墓下哭奠形銷骨立因此致疾至五十八歲卒

徐恩慶國學生父明倫賦性醇良鄉里重之恩慶生而孝友爲人恂恂謹飭有其父風玉邑孝廉王慶元題其室曰孝友醇良年未及艾卒遠邇咸惋惜焉

高 鴻字蘆洲邑庠生本城鎮人少失怙恃事繼母以孝聞待異母弟能友愛設教於家從遊皆一時名士年七十卒

甄雨城北泉水頭人道光二十五年大水沿河廬舍湮沒幾盡雨適出外工作急歸家負母狂奔未里許水如排牆至雨自分必死忽有物類犬彘旋繞其旁水退母子俱無恙人以

爲孝行之報云

魯鳳增字子重本城人家清貧祖父衰老孝養無虧事母尤謹待諸昆弟亦厚生養死葬獨任其勞爲同胞兄弟治生業授家室凡親族冠婚喪祭皆極力助之自奉極儉祭祀必豐每逢父母忌辰年久猶涕零不已壽屆古稀卒里黨以孝友稱之

張懷倉張陸莊人七歲失怙母宋氏晝夜紡織以爲生計然性甚嚴厲倉小有過輒鞭撻之倉長跽待罪必母顏霽而後起母病親侍湯藥不解帶者累月母卒葬如禮書父母神主以奉之朝夕哭奠十餘年如一日至今鄉人猶盛稱節母孝子云

丁烈字振遠本城鎮人生母氏范家訓極嚴烈曲意事之始終如一日與邑名士鄭之鍾同僦居谷氏宅人有一院兩孝子之目

魏禮焯字懷齋乾隆庚寅舉人太守元樞三子也童年失怙以遺命未葬生母劉教之嚴遵率唯謹及葬父廬墓三年不豫外事母死亦如之由揀發宰濟陽士民謳歌徧里巷以鯁直忤上官去職未幾起復歷任山左三縣治績如初致仕歸設義館一區以教戚里之貧困者迄老猶論文不倦出其門者率一時名流子二長士堂舉人次士坦諸生皆文學有

聲

監生董天威字覲廷王蘭莊鎮人事寡母以孝聞且恪遵母訓至其門者不聞聲歎聲蓋一舉足一出言均不敢忘也母年高體胖每食多茹量威嘗婉勸之母曰我素知醫豈不自防顧內燥非此無以滋津液汝勿慮也後威亦以醫名蓋得於母教云

趙從餘字禮耕趙茂莊人幼失恃事父孝事兄亦恭順父染沉疴服藥罔效日哭奠於神祈以身代淚盡繼之以血夜夢神授以良方父服之果愈嘗從兄駕舟至澗河午潮初落舟將隨潮入海兄自恃有力下舟挽之稍一失手已滅頂矣從餘故不習水以救兄情迫一躍入水挽兄登舟兄謂人曰自今以往之年皆弟賜也厥後家道日裕遇歉歲施粥以濟鄉里人有稱貸量力應之數年不下萬緡悉焚其券有孫二福綏福海皆諸生亦長厚可風克承先緒焉

孟青雲邑諸生小河各莊人天性敦篤藹然孝弟應童子試時其母在家得暴疾家人恐誤其考試也既卒而後訃告之雲在旅邸寢不安席急趨至家哀慟迫切死而復甦者再且事兄如嚴師偶有過輒跪受譴責兄寢疾親奉湯藥衣不解帶者累月兄卒哀毀失形飲

食俱減不數月亦相繼而逝

王熊飛八品銜胥各莊人自奉儉約而奉親頗豐腆親沒盡典祖遺田產爲殯葬資後以居積致富持家有道子孫守其遺範爲邑南望族焉

何士斌字雙印武庠生邑北下莊人早失怙事繼母葛氏極孝凡事必稟告始行時雖盛怒母一言即釋爲母循例請糕旌經永平守游公予以節比松貞額建坊後州牧何公邑令諶公皆製楹聯以獎之

劉治字琴堂劉家莊人性仁孝幼失恃事繼母恭順無忤容父嘗患心疾發輒歌呼狂走迄無定蹤遇鬻糕餅棗梨者不問卽食治時負錢囊追隨其後詢知父欠債處卽取償之以故父在外無饑渴亦罔有蹉跌有幼弟因父病失教凡飲食訓誨皆身任之旣而家漸落弟亦夭折父病益劇有時狂辱鄉人治必負荆謝過人皆諒之至有感歎泣下者父卒哀毀異常繼母卒喪葬盡禮治一生精歧黃術尤長於痘疹延請者踵相接未嘗以事辭人有餽遺皆卻之且每以藥餌濟人無德色生予際唐丙子成進士授河南葉縣令

王崇德武庠生邑南關人天性友愛年十六失怙家無儋石竭力事母誨弱弟五人皆成立

子其光邑庠生病卒逾日忽蘇曰吾父有陰德不應絕嗣故得復生也逾五年沒遺孤僅三歲媳傅氏事翁教子克盡其道崇德壽屆八十餘其孫開勛今己名登巖序矣

孫兆啟新河莊農人也家酷貧父早卒啟傭工以養母母卒又傭工以贍兄弟年既衰無以自養族人有所恤其乏者則受之無亦不乞貸竟假臥長餓以卒

楊體撰邑諸生新軍屯鎮人性純良事繼母孝待異母弟友于甚篤終身不妄交遊不識爭訟讀書設教鄉里稱爲道學先生

楊紹文字繼周邑西南小唐莊人天性綦篤事親能竭力父母有過必多方幾諫改而後止家貧棄儒而賈業小康親沒弟欲析居悉以沃產給之無何弟業盡文復與合爨待侄輩如己出越數載文以服賈得利田產倍增弟又求析文慨然與之均分毫無難色凡鄉鄰有貧苦者必量力周恤之妻年近五旬忽舉一男名朝楨文卒時己入邑庠矣

沈耀南字星垣廩貢生候選訓導本城人學問優長性情和藹事親承顏順旨有弟二衣食互相推讓始終雍睦無間言有妹一適那母莊陳姓未期年而寡居時以爲憂南三五日輒往視妹或令妹常依母以慰母心迄今鄉里猶稱其友愛焉

劉閣書邑庠生爽垞鎮人幼失怙母朱氏教誨有方每負笈從師輒依母傍程不忍去讀書至問孝諸章必再三潛玩甫遊泮母有疾晨昏省視至廢寢食如是八月母卒殯後一日聞風雨聲劇至墓下痛極而卒其妻李氏守節至今五十一歲

高永福何各莊人道光中春杪母病甚劇計無所出因割股肉和藥以進母疾若失越五年母卒思母情切哀毀致疾亦歿

陳恩慶字會亭幼多疾而性孝友因父久病不痊身又攪疾常禱神願以身代長事兄尤謹三十餘年未嘗一言相忤凡財物不與兄計多寡今鄉黨稱悌弟者猶樂談恩慶之恭遜焉

陳希虞字印華恩貢生本城人優於學尤篤於行出繼伯父爲嗣家計不豐奉養與所生無異入泮後以舌耕爲業因生父貧苦思稍爲接濟而嗣父持家故嚴不敢明言乃自減衣食銖積寸累以遺之生父賴以溫飽教人先品行而後文藝生徒數十人其中多名士焉王致敏號捷亭邑東關人家不豐裕而事母以孝聞事無大小必稟承母命母患瘡疾身侍

湯藥親自洗拭夜夜焚香願移紀增母壽母果愈鄉有某欠敏銀將討之母囑以切勿迫

促某因敏忠厚不忍負債又苦無貲暗售女以償敏怪其家貧何以如是之便詢之始知驚曰如此則非徒不義且違母訓急還銀焚券使某贖女歸以白母母曰汝能如此勝於珍饈事我矣時人以母賢子孝稱之

唐壽凱字令俠咸甯里人自六歲失母谷氏繼娶母岳氏漸至成人曲盡孝道父心稍說承歡膝下始終如一待弟與妹仰體親心極其友愛僅逾四十一疾而終迨後父壽屆九旬其妻李氏孝養備至亦皆壽凱之孝所感也補遺

孝友補遺

魯 璵幼而失父奉母教惟謹友愛兄弟留心一邑掌故每叩之滾滾如流水焉

么 占元字東圃廩膳生事父母孝敬無違堂弟占崢占嶸先世久已分居元念其幼而靡依收養之教以讀書爲之擇婚授室三十餘年家業且平分焉姊出適趙姓孀苦無子奉養終身占元爲人喜施與戒爭訟鄉里有事必排解之而後已子思九邑諸生克繼父志董各莊至王蘭莊陡河故道淤塞思九出貲脩理建閘壩橋梁鄉人德之光緒十年爲送慕

義好仁匾額

淑德

語有之士苟存心當世於物必有所濟又云匹夫慕義何處不勉豐邑厲名節尙義俠而今不如古豈習俗移人歟胸無古今之富或抱咫尺之義以終而齷齪之輩如蝨蠅醯雞轉盼復何有哉歷觀舊籍載述今聞雖一言之善一節之奇亦幾於不朽之傳鐵中錚錚固以標後來者之矜式也志淑德

明楊中孚號誠菴豐濟屯人王舊志稱其憫窮賙乏敬老恤孤院置崇正見闡邪衛道之功祠建鄉賢有旌善勵俗之志云

鄭英興州前屯衛人世務農業好善樂施嘗因歲飢出粟周濟族黨差徭不待催徵先代償之子時平嘉靖乙卯舉於鄉

裴子成富而尙義族人糧稅不給爲之代輸不責報知縣時鳳舉爲鄉飲大賓

高惟精杏西里人初聘同里鄭氏女未娶喪明父母不欲婚精曰設男替女能不嫁耶娶之和好終身知縣劉佐表其閭

李應辰兄弟析田產受田少而糧則均不較也方四人同銓選時一人後二人急欲入力阻

遲其至始入應辰首選後至者次之二人竟不與焉

張九萬字冲字五圖人爲明內府參軍家素封不喜畜婢妾年四十八無子妻王氏屢勸置妾不從後值參軍遠出王私娶鄉中女養於家九萬歸夕王盛服出迎披幃則所聘女在焉色變拒之卽歸其女併不責還原聘後連舉三子

魯雲程號仁我興前衛人勤儉治家慷慨好義積書萬卷教子文龍文鵬有成後嗣均能世守其教稱邑大家焉

國朝董用中號擇寰庠生順治癸巳大饑捐錢二十萬糧一百五十石賑濟熒獨事聞旌曰濟衆仁人後嗣開運舉於鄉

劉學孔興前衛人力田不入城市途拾遺金數日遇其人返之家貧喜施濟鄉里皆愛敬焉
吳守寶杏西里人崇禎巳巳叔嬭沒於兵遺孤數月寶與妻劉撫之長爲之婚名曰守朴及寶死亦遺孤六歲母子依朴居順治壬辰歲饑有勸劉他適者朴曰我微兄嫂無今日今嫂去我何顏見兄地下哭之慟尋典其身養之寶子成立亦爲婚娶

李昌汧字于藻興縣令昌汧之兄也性醇謹篤志力學宗族鄉黨稱其孝食餼於庠以歲薦

司鐸於濬敦禮教講經義士子翕然從之聞父疾解組歸不及三舍而訃聞一慟幾絕葬祭遵家禮服闋不復出矣訓子孫課農桑足跡不入公門惡聲不及犬馬人無老少俱稱之

董純心字懋嘉生而聰慧有一日千里之譽髫年遊泮以貢生授州司馬緣父早沒遂不就仕事乃祖如事父事繼母無間所生孝行之純世所罕覩且濟急扶危悉繼先人之未逮近村居民皆以爲祖若父未亡云

董純嘏字柔嘉性嗜詩書有文才雖家席素封而以禮自持磊落有致度時值鼎革兵荒相繼近村幾墟純嘏調卹族黨咸安堵焉有奸民某因謀不遂以飛語誣於上族黨株連數百人純嘏星夜赴都按所誣事剖辨鞫之得實坐誣者以罪後其叔遭巨寇仇攀繫獄衆皆閉戶純嘏破產爲雪其冤常讀書盤山與程我生萬維岳姚泰徵諸人遊專明心性之學以經學射策授州判不就惟以延名師課子弟爲事子四人皆仕中外有聲

陳銓字玉衡世爲邑名族性慷慨好施與世俗鄙吝之習每引爲恥人有求者雖至無厭無不應少喜讀書不爲章句之學與世不合未終其志以國學生考授州司馬因親老不

肯試爲吏侍左右朝夕不離鄉黨稱其孝晚年尤篤敦睦之誼親戚故舊周恤無虛日厥後子孫蕃盛科目聯翩人以爲積善修行之報云

曹邦字佇清咸寧里人穎異好學智慮過人明崇禎二年隨清兵出口及定鼎後占籍正紅旗時秦蜀未定從征屢建奇勳順治十年授吏部他赤哈哈番旋擢戶部啓心郎任銓曹則黜陟澄清司計部則國裕民足左遷湖廣之慈利令再補直隸阜城令皆有聲乞養歸里扶危濟困喜捨樂施不能嫁娶者助之死而無棺者給之鄉黨親族靡不蒙其澤云陳輔世字德一資稟卓越先世以軍功起家輔世獨奮志詩書弱冠補弟子員有聲鬢序慷慨結納人有急求無不應乙未丙申歲饑死者枕籍於道出錢賑給爲粥以濟全活甚衆捨郭外田爲義塚無主骨悉瘞之晚年搆石疏泉種花栽竹邀戚友七十以上者十人以時觴咏其中人謂有香山洛社遺風云

鄭相僑字肖蘭其先中州新鄭人分支於四川之酆都江南之桃源山西之文水既遷直隸之豐邑居焉少而穎異讀書數行下年未冠補博士弟子員試輒冠軍事父母朝夕不離側生養死葬雖貧務竭其力兄弟四人友愛無間適買一僕見其母依依不去輒給券歸

之人稱長者舉鄉飲大賓者三子孫皆登賢書列庠序時人以爲梁五福資五桂復出焉
康熙年間崇祀鄉賢

劉煥字坦公秉性至孝居父喪方三月兄卒遺孤音坦甫三歲奉養寡嫂撫育孤姪凡婚
娶延師課讀皆任之音坦補邑庠生未幾而故遺二女長受茹聘次約婚郭姓未幾郭舉
家鬻於旗之佟姓煥以四十金贖回日給口糧養之郭詆供給之薄復鬻於羅姓羅亦旗
也又復謀所以贖之羅不可有紳士陳如璜者以情理解釋之始允諾於是罄所有買女
婦各一人給羅姓替郭以歸爲之婚娶自此家日窘矣後由縣丞改授江西龍泉縣巡檢
一年卒於官子興垣歲貢生候選訓導

董銑字子鐘拔貢生考授內閣中書舍人候補主事性至孝愛讀書自幼至耄終身不倦
庚午歲饑出藏粟減價發糶陰活者甚衆邑有五圖皆竈戶也例辦鹽課有司欲議加額
銑出白于上始得免沒之日鄉黨哭者數百人

陳瑋字如瓊銓之嫡孫也少負至性老成恂謹以歲貢生候選訓導家世素封然喜與寒
素往還歲時宴集則舍富就貧務極歡洽故里隣皆愛重之其事親有孝行親疾衣不解

帶者三月湯藥飲食必身任之不假他人手至於慷慨好施有求必應一以其祖爲法每歲杪施粥飯衣服棺槨全活甚多有借貸者力不能償輒焚其券妻谷氏事瑣極謹曾有疾不起谷禱天願代以身潛割臂肉爲羹以進竟以是愈邑人聞之咸歎息以爲希覲也黃玉秀住城西曹家莊於康熙年間路拾遺金二百一十七兩有山西高姓估客尋覓秀以原銀還之知縣王夢麟旌其門曰義可砥俗年八十歲卒

李承新所居爲青坨莊至豐臺係京衛通衢地勢窪下水長河溢輒斷往來新捐三千餘金修道三十餘里石橋七座州憲以匾旌之子文範候選州同孫九疇監生皆能繼其志破產葺補康莊大道尙如故也

陳玉字崑山國學生秉性孝友慷慨仗義親沒廬墓三年待庶母弟三人無異同胞親族鬻其子于旗玉解囊贖之爲姑丈鄭鏞置妾連舉二子捐工五百修還鄉河堤水不爲災以至學宮明倫堂次第捐修合邑皆稱其義云

李開昌豪俠好義樂善好施南泊大路有橋名灤固橋歷久傾圮昌倡願修理而工程浩費積年補葺始獲完固行人便之

孫 賢國學生開平鎮人生而卓越善治生家日以豐弟盛弱冠入邑庠兄弟怡怡墳箎無
閒居親喪盡情盡制親友有求必應康熙丙申荒出米煮賑已亥庚子游飢大出廩粟數
千石錢數千緡男給米三斗女給錢一千全活甚衆百姓欠官糧不能償悉爲代納隣邑
逃荒口外日給飯錢其他建義塚設義塾施棺木修橋梁不可枚舉賢卒遺子三人盛視
姪如子訓誨有成子孫亦俱成名兄弟天性友愛至老不析居可爲有家者法矣
谷 韜臣附監生考授縣丞淡於仕進惟放情於山水間年四旬猶乏嗣施棺木修還鄉河石
堤濟人之事無不爲舉三子而卒長子瀾爲邑諸生能繼家聲兄弟已析居貧乏不能自
存瀾以己產與之鄉里皆稱其友愛焉

谷 倬字卓人孝友端方嘉惠後學鄉族蒙其利益智愚感其肫誠門人私謚曰正誼先生
營 經字興公聊城令文鵬之子也孝友醇良秉性忼爽家有田產凡遇荒歉輒讓租不取
人無老少皆稱之知縣趙嵩旌其門

劉紹祖字振宗貢生睦宗族和鄉黨生平不入公門九十二歲手不釋卷遠近奉爲儀範
鄭克惠字懷六貢生孝親敬兄輕財尙義代人納丁糧者三十年禮義化其鄉里足跡不入

公門邑人至今思之

吳 清敦宗睦族樂善好施近村貧家有婚喪事出資財助之上體親心友愛兄弟鄉里中無間言焉

呂懷世爲縣尊器重舉農官家日隆隆起好施予重然諾煮粥濟貧焚毀借券一無吝色而自奉則泊然也

佟 瑛字玉伯奉天正白旗人以從龍入關遂家於豐之何家莊性甘淡泊而輕財好義乾隆丙寅里中大飢出穀四十餘石濟之數十家煙火恃以無虞辛未合邑又饑縣尹姜公立廠設粥於歡喜莊瑛捐米百石以濟不及復飯本莊之貧者所全活甚衆至如施棺置塚造橋梁布藥餌揮斥金錢不惜也

王國梓越支場人好善樂施捐修文廟施棺木捨藥餌鄉里之貧乏者周濟無倦色子於涵國學生於濟附學生例選縣丞

張垂訓字德聞天性孝友醕謹端方足跡不履城市專務舉子業子若孫皆列膠庠壽九十卒

李成印賦性醇謹行已端方事親孝事長弟訓子弟以禁非爲睦鄉里以息爭訟其善行難枚舉云

曹源涑蘄運河州同性慷慨勇于任事捐義倉穀一百石賑粥米五十石

常守義國學生捐義倉穀四百三十石 恩賜八品頂戴

耆老附

石 彭字眉壽年八十五歲乾隆元年 恩賜八品頂戴

張仰華生員乾隆元年 恩賜八品頂戴

張毓昇字撫寰乾隆元年 恩賜八品頂戴

續編

王守華字名山加南里人好善樂施困乏者求無不應遇橫逆一笑受之卽爲勢豪所壓弗計也以耕讀世其家子良臣良棟事父五十餘年依依如赤子泊歿哀毀骨立遠近宗之輕財仗義並有父風讀書有才質者使就家塾與諸子同學垂白不忍分爨孫來宣來贊皆膺鄉薦繩繩鵠起正未艾也人以爲忠厚之報云

王運昌字際五候選縣丞居家孝友輕財重義有族孫者輔好學而貧資助讀書入泮族侄佐選漢口巡檢貧不能行贈多金赴任設義塚數畝於父塋側瘞暴露無算鄉里乏衣食以至不能嫁娶者皆賙恤之

谷 碩字陸侯克敦孝友族黨咸稱父鵬官於外侍母家居定省無缺弟確官宣化同知委運軍需碩破產助弟公事得濟陞口北道自是食指漸繁上有三庶母下有四幼弟以養以教各得歡心弟俱成立至於振貧恤乏捨棺木施米粥揮金不吝候選翰林院孔目壽七十終子起現任通州州同

佟 璽事親極孝天性友愛與弟瑛璨瑣聚於堂終日相對未嘗入內一味之美不集不食堯箴迭奏和氣藹然瑛與璨兼理家政瑣舉雍正甲辰科鄉試耕讀世其家其懿美殆難枚舉皆璽有以先之矣

前明李大化邑諸生爽坨人存心公正鄉里悉矜式之歲庚午大化以避兵故薄暮至龍灣莊遇盜將加害焉問爲誰大化以名對盜彼此相視同聲曰善人也釋之且送至家康熙

十六年灤郡生員郭增爲文泐石以誌之

補遺

史從仁字靜菴爽坨鎮雍正時人好善樂施鄉里有求卽應人稱長者宅數武外有藥王廟
神殿暨僧房十三楹乃其曾祖守科所修年久傾欹從仁出貲重修焉乾隆三年同里廩

生姚炳爲文泐石以誌之

補遺

呂文登例貢生岳會莊人樂善好施崇禎十三年邑令李公重鎮因寇盜充斥損修縣城增

高五尺北面城垣係文登獨力任之

補遺

鄭見龍宋家營鎮人字施溥附貢生乾隆二十一年宋家營災民舍幾盡見龍獨力出粟米
貲財按戶周濟所焚廬舍悉爲成作邑令馬公旌其閭額曰造福無窮

劉成美老莊鎮人性慷慨樂施濟竭力修橋梁繕廟宇救苦難在邑南車軸山築坊施茶十
餘年行人便之

丁翊清字鑑涵青坨人嘉慶丙子科武舉平生喜排解見人爭鬪每以身救至被重創弗悔
且事親至孝遇有讌會凡其親未嘗之味必不舉箸飲酒雖至醉定省之節終無稍失鄉
人以爲老萊復生焉

丁虎占字炳章青坨人嘉慶癸酉科武舉家庭雍睦與人無爭平生不結交吏胥切戒後人

勿好詞訟仁讓端方鄉鄰多賴之

丁起雲青坨人候選同知 誥封武功將軍好善樂施鄉里差徭嘗以一身任之人有爭端遇之必解沒後道旁流涕者甚衆至今猶稱頌不衰

陳安平字衡一都司銜漢軍鑲白旗人世居邑北寇家寨慷慨喜施夙有陳善人之目薊郡東南澱溜村舊有義渡嘉慶中漸就廢弛施金復之道光癸未大水施粥及綿衣無算賴以溫飽者甚衆乙未大疫流行施棺木以數百計壬辰春旱至夏飢民日集施粥如初又建義倉於左家務每遇歲歉出粟濟之至於捐義地免佃租建橋修廟諸善事莫可枚舉卒年六十三其子孫繁衍多以武功顯而克修舊德亦頗有祖父風焉

張三奇字瑞凝太學生豐臺鎮人慷慨樂施嘉慶六年捨粥濟飢全活甚衆道光七年歿其子玉振克承先志亦捨粥二十餘年人稱美之

張 鑑字印川北王官營人重錫輕財家庭雍肅其後人皆恪守祖訓施藥餌拯疾苦數十年無稍吝復出貲修村北石橋村南古廟光緒初食指日增至三十餘口又值歲饑日用支絀曾孫孀婦焦氏勸其翁張機出私囊千金助家用藉是得不分爨今氏子維翰與叔

炳麟翼麟先後遊泮矣張氏自鑑至維翰五世同居人皆謂鑑有隱德善詒謀云

鄭守侗從九品道光三年歲歉施卹濟貧十八年散糧於鄉里賴以生活者甚衆

劉川峰字振標楊匠莊人貧而好義有某拖欠官租被拘繫其妻將鬻女以償峰知而憫之代爲納租並贖其女某得釋感激去又從親友家貸數金携歸途次見一少婦哭甚哀羣惡環迫之使登車峰詰其故旁觀者曰若夫鬻妻奚問焉峰向羣惡曉以利害出所貸之金畀之事遂解後其子翰周以孝廉歷官州牧所至有政聲殆行義之報云

董 閩邑庠生拔貢元泰子也品端學邃同曾祖兄弟多有貧乏者不忍坐視以已之田產強半讓之其他善事更難枚舉年登耄耋猶伏案書小楷子濯清亦列膠庠有其父風焉

孟 暲從九品小何各莊人家僅中貲而好善樂施凡親朋貧乏者量力周恤貧不能讀者助以膏火有僕服役多年貸主人者指不勝屈暲臨危焚其券而遺之其種種善行鄰里稱長厚焉

王國卿從九品王官營鎮郭家莊人爲人樂善不倦嘗在村西拾得白金三十五兩不知何人所遺徧粘告白以待尋者踰半載有玉邑人來認自言銀兩件數悉符出金還之酌以

珍物不受又在馬蘭峪收買字紙遇貧不能葬者施以棺木卒年七十九遺言欲立義學有志未逮今其子士元在本村延師開館以成其志云

焦繼暉字旭升太學生焦莊人幼孤事嫡母與生母曲盡孝道爲人和厚好善樂施宗族鄉黨多受其賙恤道光中歲歉設粥廠施綿衣近村以善人稱之

董三元九品銜張各莊人性慷慨輕財重義喜交文學士貧不能讀者資以膏火戚友有婚葬事傾囊助之絕不索償以故家中落嘗有偷兒夜入室覺焉乃里中好賭某也長跪請罪且告之悔董憐而贈之其人遂改行爲善德之化人如此年八十卒閭里至今頌之

王占鼇東嶺人家素封遇歲歉先後施糧七百餘石全活者無算子孫守其家法至今尙殷實焉

陳秀麟字公美邑庠生本城人讀書守法生平不與詞訟事邑有書院狀元田考試桌橙諸會皆竭力襄辦刊碣記焉

蔣克廣字德心岳龍莊人性樸訥友于甚篤從子某以逋欠致累其父恐貽諸弟患謀析產德心泣諫弗獲已乃以沃壤讓之每夏躬自汲水飲行喝十數年不倦子懋林棄儒就賈

日居市廛暇則手不釋卷以是精風鑑能以形家日者之術破人疑而導於善嘗爲人行賈獲酬金五百餘以其半分諸同事時人比之鮑叔云孫如璋同治癸酉副貢乙酉領鄉薦次孫如珣邑庠生

梁城歲貢生坨上人家豐盈性節儉道光中歎收散穀濟民饑求無不應附近四村重其義送匾額以報之

陳維倫字明五國學生小楊莊人事繼母至孝待異母弟安肅教諭維義儒童維凝友愛甚篤治家尙儉而慷慨好施凡有求者雖數至皆應之如初村北官路係東西往來衝衢地勢窪下行旅不便獨出巨貲建石橋修長堤每歲培補之臨終外欠約萬餘金遺命子姪有能償者收之不能償者勿問也子姪克成先志悉舉舊券焚之遠近稱義舉焉

于美成字敬公岳龍莊人以勤儉起家而慷慨好施與急困者傾囊指困不惜也嘉道間歲大荒出錢米濟鄉鄰藉以存活者不少次子起德寬厚有父風孫炳文性尤仁慈嘗於附近處修補橋梁行旅便之歲疫則施藥餌矜孤恤寡排難解紛諸善事難枚舉曾孫萬川字印波甲子領鄉薦戊辰成進士人謂其世有隱德焉

王振聲家饒富道光十八年獨力修黑龍河堰不下萬金經部 奏以鴻臚寺序班獎之

汪 璽楊家營人與弟玉侄朝輔俱殷富道光末其里不戒於火延燒數十家璽與弟侄共出貲興作里人以安事聞邑令旌其閭額曰積善之家

李道凝字純一附貢生邑西關人幼家貧父藝圃兩兄從事公門凝恐重父勞往往晝灌園而夜讀書父沒事兩兄奉命惟謹邑孝廉谷芳桂凝之受業師也嘉慶中任河南滑縣令以凝誠謹使司出納省費合宜迨谷卒於滑值教匪煽惑吏民將爲亂凝料理交代畢急扶師柩護官眷回豐未幾滑亂作而禍不與焉家居終身不涉詞訟族中婚葬必厚助之嘗省墓過河西見道途泥淖車騎難行欲建石橋以力薄不果臨終囑其孫嘉麟嘉麟於同治九年運石興工得附近村人助之而橋成至今行者便之

朱連城附貢生本城人家殷富而性慷慨道光三年歲歉施紅糧數十石濟窮苦邑中諸善會俱捐有成本七年仲夏租房一所施 關帝閣租地三十三畝施 城隍廟爲永遠香火之需迄今子孫蕃衍以忠厚世其家

劉春藻庠生關山莊人道光初邑令王兩農重建書院藻首捐百金并勸捐邑中紳富贊襄

盛舉遇歲荒歛捐輸義穀通永副使周公祖蔭以匾額獎之曰豐登義樂

劉文貴字顯廷太學生銀子山人道光初邑令王公雨農改建書院於東街首捐百金以爲膏火費壬辰癸巳間歲荒計族衆食指厚給粟米且施粥以濟鄉鄰仰食者日嘗百數十人子洵武庠生有乃父風邑有崇文義舉暨奎樓諸善會皆捐貲助成之道光辛丑與鄰村崔寬繕修甘泉寺各費貲百金見人困乏無不極力拯恤鄉里稱之

劉 唯太學生本城鎮人慷慨喜施道光初歲歛勸捐倉穀赴省請賑上憲批有大道爲公之語家設燒酒甌以麩糧散給窮困鄉里賴之後以詩禮傳家人以爲盛德之報云

唐德純貢生富而好禮道光三年散糧濟貧賴以存活者甚衆生子四入武庠者三人

王天運太學生世居沙流河鎮茹家莊性忼爽道光三年水傷禾稼鄉多饑民按人給以粟米十二年旱至六月始雨又以蕎麥徧給鄉人布種畢然後出糶家有柏一株材大值百金施於玉邑之鴉鴻橋築成高閣彼處勒姓字於碑以首善推之子壽朋字作三由州廩生中甲子舉人署鉅鹿縣教諭爲請封典焉

田學文太學生小集鎮人爲人急公好義道光十七年奉邑侯劉公諭在小集鎮東偏建修

豐澤縣志 卷之二十一
文廟因捐貲不敷自出貲督工興作三歷寒暑廟告成士林稱盛舉焉子峻德邑庠生
孫夢璵廩膳生爲邑名士

李廷輝文生大新莊人品端行止不與人爭尤好獎掖後進嘗自築書舍延宿儒教授生徒
數年不倦爲所成就者至今猶思慕之年七十二卒

呂寬字惠民九品銜城西張家莊人性寬厚家頗豐裕每秋季收糧不與佃戶較多寡出
糶時每斗視人加多有呂大斗之目道先三年霖雨連旬禾盡潦鄉民饑困出粟三十餘
石濟之十二年大旱又出米二十餘石施粥數十日附近貧民賴以生活且遇老病廢疾
者必飯之三五成羣不厭也年近八旬卒有子三孫十皆耕讀爲業克世其家焉

陳永慶字壽亭候補州同七樹莊人父患痰疾在狀褥者十八年侍湯藥進飲食須臾不稍
懈道光二十五年創修河堤數村不受水患平日施捨棺木賑恤困苦人稱美德年八十
六卒

李如梅字和亭本城鎮人家不中貲頗尙義俠道光中有戚屬周姓者欠累年官租計無所
出和亭變產代爲封納將歿呼子孫取欠戶券悉焚之時人稱盛德焉

晏存智字宗殊監生新軍屯鎮人爲人公正樂善好施事繼母以孝稱兄弟之間怡怡如也村中貧乏有婚葬事務竭力贍之生四子皆淑善年八十四卒時已見元孫矣

艾廷森七樹莊鎮人存心愷悌事兄如父兄卒待諸侄如己出以禮讓教家鄉黨化之推爲長者

梁葆之舉人南坨上人家殷富道光十二三年相繼水旱設粥廠凡三年全活饑民甚衆其子申理問銜善承父志遇歲荒以錢穀散給鄉里經布政使屠公獎以額曰敦行不怠

王鷺飛胥各莊人捐封中憲大夫性質實而好文學嘗欲建立義塾培養後進以力有未逮爲憾屬纊前遺命子廷弼成其志弼誌之弗敢忘由是撙節家中日用銖積寸累數年延

諸生董桂新字一山經理其事設三正義塾於胥各莊一日宗正以教童蒙一日經正以教學爲詩文者一日正心以教生童之圖上進者各延名師立規條嚴程課如是者七年歲費白金六百且恐日後家道或衰善舉難繼於光緒九年稟請前縣尊牛公謂塾本以六千金爲限按年呈交本銀一千發商一分生息至交足六千之數歲可得利六百爲義塾永遠經費又施地八畝一分繚以墻垣蓋房四層層各九間牛公義其舉轉詳題請奉

旨以樂善好施旌之

馮廣譽字令聞五品封典本城人急公好義道光癸未與堂兄廣勳立義塾歲給脩金膏火辛丑倡捐助軍需募鄉勇蒙直督奏請加五品銜戊申冬甯寶饑民棲集邑內日人給百錢更分給綿衣八百件不足以錢代之並先後兩次勸捐書院凡文廟奎星樓文昌宮暨城隍廟天宮寺數十處廟宇皆倡捐重修崇文義舉天乙水局等會皆出貲捐成會本規畫周詳他若修橋梁施棺木焚借券還典契恤孤孀等善事不可枚舉有子四長城廩膳生同知銜另有傳次墀庠生同知銜知縣用山東恩縣縣丞三塏廩貢生滄州訓導四均優廩生

馮 城字子垣廩膳生乃廣譽之長子也性和厚與人無爭城道光時捐輸義穀銀七百餘制軍奏請給六品銜咸豐初因粵匪竄畿南邑令設團練勇修葺城垣城任勞任怨盡力籌措復蒙優敘加同知銜子啓祥加六品銜邑中諸善會皆賴伊父子不墜人謂其善承先志云

吳 裕本城人家不中貲遇有貧不能葬者輒給以棺木道光中有官媒買良家女爲婢裕

倍價贖還仍交女家撫養報之不受其子孫至今猶蕃盛焉

吳 鉀太學生字練齋中門莊人給諫廷溥之父也嘗捐錢收買字紙名曰崇文義舉又因里中差徭雜項向係計畝均攤貧乏者不免追呼之擾爰與堂弟鎔期會族人尙樸尙質尙誠廷藩廷匯廷沆金鉦等共捐東錢二千二百緡存商生息凡里中差務悉取給焉咸豐五年請邑令夏公批飭立案永遠遵行勒石於里之 關帝廟里人至今德之

楊永泰字凝遠太學生劉宗舖人道光間獨力修黑龍河費錢三萬七千餘緡沿河村莊多年不被水患咸豐年水旱頻仍貧民不能餬口泰先後施紅糧四百餘石大麥六百餘石稗子八百餘石饑者賴以生全其長子友棠循例以州同候選同治七年施紅糧四十餘石修三義廟施錢三千餘緡戚黨貧而不能婚葬者量力助之時人謂其後先繼美焉

張欲榮毛家坨人與弟欲忠豐於財而好義同治六年歲大饑七年春貧者益窘欲榮與弟自蘆浦糴玉秫百石散給鄉里及附近村落數百家賴以舉火後不敷用又運六十石以給之家設粥廠遠方逃荒者數百人日取給焉里中婚葬事不足者咸賙之行義而不沽名生平事類如此

廣文韓常慶字雲卿正藍旗漢軍韓家博樂人壬子科舉人世有隱德同治二年有儒童王式三者妻紀氏失愛於姑大歸已三年氏父欲另嫁女娶有日矣女矢死靡他時有諸生郭維城李榮喬等爲韓言及韓曰此易辦也即接氏入署焚其離書認爲義女召式三至以婚呼之留夫婦住署中三日備妝奩衣飾送還之且諭氏翁以大義令歸勸其妻遂爲姑媳如初邑人士傳爲美談懸匾以頌之曰維持風化曰調燮綱常曰化行俗美

王策字君寵九品銜事親孝樂善好施宗族鄉黨有不能婚嫁者出貲助之卒年七十一陳廷佐武進士豐臺人家富有樂恤貧乏其弟廷勳武庠生遊擊銜治家有道佐因以家事委之囑曰凡人有財惟樂善好施方非守錢虜弟其勉之未幾卒勳承兄志於同治六年至十二年施粥濟貧費貲甚鉅且助辦鄉團捐賑濟穀更慷慨無吝色前令崧公以匾額旌之曰任恤維風

李天祿王家莊人性和厚好爲人排難解紛道光四年在沙沙河遇逃荒人將鬻其妻券已立矣而夫婦相持泣不忍離見而憫之出錢二十餘串夫婦感謝去二十年鄰村朱姓有女婿無力完娶祿出錢六十串米一石助之族人女喪夫家貧子幼祿歲供錢米三十餘

年同治初沙流河楊姓將鬻其妻祿出錢十串米石餘夫婦得不離異他如索債遇貧者不惟焚券且助之貲焉生平行事大率類此年七十餘卒有子二慶雲步雲亦克承先志綽有父風焉

監生王美生史莊子人年百有十歲有子福泉等三人孫玉龍等六人曾孫彪等三人元孫

榮堂一人

自此以下五世同堂

生員張如栢張各莊人進士阜異母弟也性孝友端方喜讀書躋秋闈垂五十年家居日以教子孫課詩文爲事現年九十三有子二長璿辛亥騰錄次玠壬戌進士孫四純附貢炳

理問銜紋廩生紳壬午舉人曾孫鳳翰舉人元孫綿七歲

鄒玉春漢軍旗人潘家莊人年八十七子昇孫士魁曾孫鴻賓元孫五福

徐德才山王寨人年一百十四五世同堂 恩榮六品

李從先邊各寨人年九十四五世同堂 恩榮八品

薄玉琢新河莊人年八十八五子十四孫列膠庠者三曾孫三十有六元孫一

耆老附

李瑞年九十四以子國樑封榮錄大夫乾隆年赴千叟宴特旨召見賞戴花翎

王宏友年九十七例得恩預百壽旌典

孫福德年九十五乾隆年赴千叟宴恩賜八品頂戴

孫九祥年九十四恩賜八品頂戴

蘇天祿年九十餘有子發等六人孫永祥曾孫廷芝元孫連增等五世同堂合男婦八十三

口

補遺

王斌字贊廷候選州同豪俠舉事慷慨好義立身揚名遠邇咸知城內

關帝閣爲一邑首望年深日久風雨損壞斌直任其事獨力重修並修他處廟宇碑銘皆可考

查其濟貧乏施棺木爲人成家成名事又難以枚舉是以子孫蕃盛列成均採芹藻不一

其人次子王三爵任江南營遊擊而斌壽逾八旬邑人咸稱之曰一鄉善士

生員王奕曾字尙志李元甲字孟宣唐錕字佩侯皆襄修吳志人立身膠庠辦公無倦豐潤歸併遵化州呈請學憲改附永平考試生童咸得其便於乾隆十六年春邑侯姜煇粥賑

饑委辦勸捐米千餘石煤數百斛曉行夜眠不憚辛勤至乾隆十九年邑侯吳奉憲立留養局并建義學委辦勸捐銀千有餘兩即置胡各莊地六頃三十餘畝分爲留養義學之費斯其犖犖大者蓋凡有益地方之事皆其置任所不辭焉

監生陳 棠慷慨好義乾隆十五年姜邑侯賑粥襄事克勤十八年捕蝗甚力當事者皆器重之

監生郝 賢施棺木周嫁娶窮民種地不取租值附新增

五品銜李 鉞字銳菴王蘭莊鎮人性豪爽因海隅地勢卑下首出資勸捐富紳修木石橋數座疊道數十里至今行旅便之道光二十八年兩潦海溢田廬湮沒復糴穀二百石視災重者先行援救並呈請何邑尊捐米賑濟是年議敘六品銜

何冠廷字朝選武庠生左家務鎮北夏莊人節儉致富自奉菲而於族黨貧乏者皆厚恤之同治六年歲歉日煑粥以濟飢人至今沿爲常例至光緒十六年壽七十有八臨終將佃戶積欠租簿命子姪於床前焚之共免租錢七萬五千六百有零銀一千四百九十四兩有奇糧六百七十餘石卜葬前三日貧人來哭奠者近千數足徵實惠及人云

張維瀚現年八十四歲五世同堂齒德兼優鄉里推重

貞節

立孤與死孰易慨慷與從容孰難孔子曰中庸不可能也然而遭家不造殞失所天非剛腸烈性曷以全貞又或不幸而遇強暴罹兵燹卒能至死不變豈非巾幗中之烈丈夫乎傳之者風之也不獨爲婦人女子言之也志貞節附孝烈

金李伯通妻周氏元兵攻陷豐潤周與子易被擄恐受辱投深塹中兵怒三刃之棄去周復甦携易奔汴織紉教子有成知縣吳慎有詩入文苑

元馬介妻殷氏夫卒年十九得遺腹子家貧拮据其守彌堅足不過鄰里四十餘年

呂孝義妻倪氏夫卒子幼家貧舅姑憐其少欲改適倪抱子悲咽矢死無二至正中旌表

明監生石清妻周氏夫卒周竊杏仁水飯之家人灌救得不死旬餘卒投繯

千戶胡海妻王氏夫卒無子父母欲嫁之王泣曰苟事二姓寧從夫於地下耳遂縊死正統

中旌表

兵丁許洪妻陳氏夫卒陳泣語人曰夫婦之道義當同穴今夫死無子吾無生理矣遂縊死指揮魏豫妻葉氏年十九夫卒屏膏沐事紡績以事舅姑五十餘年以壽終正德六年旌表

衛舍人郭綸從兄經遼東死王事妻周氏撫子衛國襲職亦死於忠媳董氏有子二一承嗣娶雷氏無子一承忠娶王氏有子銓遠娶谷氏銓遠子東藩娶谷氏並皆早卒守志不移人謂郭氏二世忠義五世貞節古今希覩知縣吳慎有詩入文苑

衛舍人楊椿妻李氏夫卒年二十無子孝事孀姑老而不倦

衛舍人谷俊妻卓氏年二十四夫卒無子公姑亦早喪內戚勸改適卓泣誓曰夫不幸吾之不幸也卽未亡可移天乎守益堅壽八十五

生員何其恭妻趙氏夫病夜焚香願以身代夫亡年僅二十六遺孤七旬苦節三十餘年生員谷嵩妻王氏年二十夫卒哀迫成疾及期絕食卒

谷承宗妻魏氏夫卒魏年幼無子苦節五十餘猶造橋濟渡好善不倦年八十餘終

生員何天佑妻魏氏十七歸十九寡事翁姑克孝子亦夭與媳分食易衣有司建婦姑雙節坊逾八十卒

生員馬瑞妻史氏夫卒於粵東紡績撫孤有勸他適者不答子長令往尋父柩泣別遂死生員何天培妻谷氏夫卒無子苦節多年

王崇善妻田氏夫卒家貧以織衽奉姑撫子二十餘年如一日

生員趙嘉會妻王氏十九寡教子宏業遊庠年八十一尙操家政五世同堂

生員夏輔明妻聶氏年二十夫卒於外紡績爲生養姑教子四十餘年子立家成以節終

生員谷成妻李氏年二十六夫及二子皆亡撫育三孫食貧作苦後孫皇畿跣踵不羈李作

色卽卻伏其教之嚴如此晚年長齋繡佛壽九十二

副將徐子躍妻王氏年二十七躍戰死松山子繼美開美尙在襁褓明季兵燹家業一空王

矢志守節紡績爲生教二子俱入庠食餼以壽終

董陞徵妻曹氏太倉陳瑚有傳知縣吳慎有詩並入文苑

國朝生員鄭之魁妻佟氏明季之亂舉家逃竄夫與翁皆被害佟扶姑乘間航海得免次日產

子舟中時年十九歲也及平旋里廬舍火焚家產一空紡績養姑延師教子拮据二十餘

年子燦入泮孫亦成名

監生鄭錫昌妻劉氏鄭遭亂被害劉年十七遺腹產子應宸經營拮据上事舅姑下撫孤子

壽至七十歲

貢生曹斗望妻唐氏夫卒守節二十餘年撫諸孤皆成立

參軍谷九德繼妻馬氏媳許氏知縣顧君錫有傳入文苑

指揮何善繼妻石氏妾王氏得遺腹子延壽石虞族人覬覦世爵遇橫逆每以禮免之凡兒髮膚亦祕之防厭害也延壽長襲職石年七十七王年八十七終

李尙忠妻王氏夫卒遺孤尙幼王脫簪珥延師教子有司榜其門曰冰蘖

參將殷壯猷妻李氏順治十一年從夫殉節事在知縣吳慎所撰殷壯猷傳中入文苑乾隆十年奉

旨旌表

孟國祥妻吉氏年二十七夫卒守節撫子成立康熙九年奉

旨旌表

董錦妻倫氏年二十一歲夫卒守節二十餘年康熙五十二年奉

旨旌表

陳如茂繼妻孫氏夫卒盡孝事姑撫前子如己出康熙五十三年奉

旨旌表

孫善述妻梁氏夫卒親老子幼養生送死課子入庠鄉里重之康熙五十三年奉

旨旌表

貢生曹炳妻劉氏進士劉毓秀女年二十三歲夫亡長子始週次子在腹孝親課子俯仰辛勤後二子克紹箕裘鄉黨稱之康熙五十三年奉

旨旌表

生員谷延禧妻陳氏年二十夫卒子女俱無家計又窘陳矢志靡他歷五十餘載以節終

舉人董開運妻張氏年二十四歲夫卒嗣猶子存誠爲後冰操苦節歷四十餘年如一日

貢生曹雲望妻殷氏袁州太守繼參之仲婦太守卒於官雲望以事留時殷年十五率僮僕扶柩返里姑方寢疾奉湯藥五十餘日卒哀毀骨立殯殮如禮雲望歸亦病數年不起永訣之際死而復甦曰與其從夫地下何如教子成名遂勤紡績以課讀子五人皆登仕籍衍聖公孔毓圻爲之傳

生員董陞輔妻邊氏年二十四夫卒家貧子時秀方七歲躬績課讀秀補弟子員媳王氏年

二十六生子定業四歲而秀卒後業亦得遊泮越數年亦卒孫媳劉氏生子尙幼邊氏六十九歲終王氏及劉氏楚楚姑娘終不易操一門三節可爲女中壺範矣

魯喆生妻顧氏年十九夫卒無子繼猶子爲嗣矢志守節五十餘年乾隆二十年奉

旨旌表

劉秉玉妻姚氏年二十二夫卒家貧紡績爲生舅姑終殯葬以禮有子亦已成立

吳景琦聘妻韓氏夫卒韓隨母往弔誓死不歸黑洋河把總旌以匾曰閨秀奇節

馬文學妻趙氏年二十三夫卒無子奉養公姑矢志不移年七十歲終

儒童劉澤長妻王氏年二十夫卒家貧子幼過伯子爲嗣未幾歿亡王多方撫孤成立年七十餘終

魯成樑妻張氏年十九夫卒家貧無子依其姪傭作養生年七十五終

谷 綬妻李氏年二十五夫卒紡績育孤宏智以養以教後爲庠生守節二十六年終

唐士登妻韓氏年二十四夫卒女紅爲生撫孤成立

唐士科妻梁氏年二十六夫卒紡績爲生爲孤授室卒年七十

曹潔繼妻谷氏年二十四夫卒得遺腹子椿上事孀姑下撫孤兒

樊三俊妻周氏年二十九夫卒家貧十指爲生訓女撫孤至於成人守節二十二年

盧宏忠妻佟氏年二十三夫卒子生六月堅操完貞至八十歲終

監生韓克智妻盧氏年二十四夫卒矢志靡他奉姑至孝繼猶子爲嗣守節三十年終

儒童李元捷妻王氏永年教諭栢年之媳也年二十七夫卒上事舅姑下撫遺孤克盡厥職未幾舅亡姑病不能行王晝夜侍側一切抑搔扶持咸左右之姑失明親爲之舐目賴以

明姑年九旬未嘗以久在床褥生厭倦心子恒泰庠生食餼有文名

監生陳璋妻李氏年二十七夫卒孝養舅姑義方教子兩列成均一入膠庠

趙文炳妻紀氏年二十三夫卒只遺二子家貧織紉佐讀長子珂爲庠生

儒童張體巽妻周氏年二十一夫卒上奉老姑下撫幼子

張錦妻崔氏年二十三夫卒家貧撫子成立年至七十終

生員張之翰妾高氏年十八夫卒子幼勵志守節卒年五十一歲

馬越妻李氏年二十四夫卒食貧作苦舅以壽終子遊庠序

張之璧妻李氏年十八夫卒子幼撫養成立卒年六十一

儒童趙尙妻胡氏年二十夫卒止有一女所冀仲季生子承祧而仲止一子季娶未育並相繼亡仰事俯育艱苦備嘗守節三十二年

儒童邵明善妻張氏年十八夫卒堅心守志子入國學張年五十九歲乾隆六年學憲錢旌曰全貞裕後

生員陳恭一妻單氏年三十五夫卒家貧苦志教子補讀書食餼於庠又以疾亡媳王氏年方二十無出熒熒孤守單卒年七十九王卒年六十三

孔之昭妻李氏年二十二夫卒無子祖姑年邁姑亦多病昭弟聖裔之禮並皆幼小李撫之如弟聖裔娶劉氏無子亡之禮止生一子無可立繼使兼祧焉

岳 璘妻李氏年二十三夫卒子方五齡撫育成立卒年五十七歲

生員孟作梅妻李氏年二十七夫卒孝事舅姑教育孤子

候選州同孟宗孔妻邊氏年二十五夫卒過伯兄子兆麟爲嗣援例入貢孫二人皆列邑庠

守節三十四年

吳又遜妻陳氏年二十夫卒無出過伯兄子爲嗣紡績度日孝事舅姑

儒童劉錕妻李氏年二十一夫卒翁病痰症親侍湯藥始終不替教子有成

錢遇祥妻何氏年二十九夫卒孝事舅姑撫育幼子三人成立

張雲翼妻龔氏年二十夫卒過姪爲嗣孝事舅姑卒年六十

常宏勳妻韓氏年十五夫卒守志卒年五十九歲

常守禮妻孫氏年十八夫卒守志卒年七十一歲

候選州同常茂勳妻陳氏年二十八夫卒守節卒年六十九

莫大成妻張氏年十八夫卒家貧織紉養親無使凍餒辛勤育子俾其成立乾隆十八年終

生員劉瓚妻楊氏年十九夫卒事舅姑撫幼子之死靡他守節三十二年終

生員李元良妻王氏十九歲于歸三月後夫染瘋疾五年而沒守志教子子年及歲又殤家

貧無依日不再食後以兩目失明鬱鬱年六十九終

郝聯瑞妻賈氏年二十四夫卒堅心守志以育遺孤守節五十四年終

陳紀妻靜氏年十九夫卒無出孤身守節至乾隆三年終

武生張卓妻劉氏年二十四夫卒茹苦守貞教子成立乾隆十年終

鄭舜臣妻王氏年十七夫卒紡績餬口事親教子守節四十八年終

儒童谷有倫妻秦氏年十七夫卒無出紡績以養公姑守節三十八年終

貢生陳時綱妾史氏年二十四夫卒子幼撫育成立年七十四終

鄭應肅妻王氏年二十五夫卒止遺一女翁姑生事死葬以禮守節五十終

梁璧章妻張氏年二十一夫卒家貧無子姑已衰邁紡織奉養以禮守節七十九歲終

周耀臨妾魏氏年二十一夫卒親族欲奪其志即剪髮毀容以明無二本生子甫週正室遺

幼子二人撫養皆如己出卒年七十歲

監生黃德宏妻曹氏夫婦隨任江西長甯縣內舅姑及夫相繼卒孤苦零丁至父任乞錢舉
喪而父又歿乃匍匐告助親族返三柩於萬里延一脉於孤兒以後孫曾蔚起人以爲苦

節之報

董 輅妻王氏夫卒親老子幼塋翁姑盡禮撫子成名守節三十年

唐 溟妻殷氏夫卒奉姑盡職撫子立名守節三十年

魯克順妻羅氏夫卒家無餘貲翁老子穉十指爲生孝慈兼至守節三十年

羅憶齊妻艾氏前知縣景泐之兒婦也齊生數月父歿嫡母生母相繼亡育於庶母孔始獲成立娶艾六載以病故止遺一女艾號泣欲殉之以齊臨終言孔母之恩不可忘乃繼姪爲嗣代夫奉養終孔之世歸寧父母欲奪其志諄勸不從乃依伯氏以居茹蘗如飴艾爲正白旗巨室而能厲清操甘苦節巾幗中所僅見矣

何如玉妻賈氏年二十五夫卒家貧無子上事孀姑繼堂伯子爲嗣守節四十五年

儒童韓煒妻席氏年二十二夫卒無出繼堂姪曰桂爲嗣孝養舅姑卒年五十六歲

監生佟興周妻李氏年二十六夫卒遺孤燦撫育成立娶媳相繼亡過堂姪孫常平爲嗣卒現年六十歲

韓若蘭妻王氏年二十七夫卒撫育二子成立守節三十年

廩生孫延譽妻劉氏年二十三夫卒遺腹一子守節四十二年

武舉谷德妻曹氏年二十六德効力山東卒曹聞訃乞貸親族金携七歲子與僕往僕攫金而逸泣懇蓬萊令哀之假以金千里游魂始獲首邱既畢葬紡績育孤血指淋漓不悔

也後子二人俱成立

生員董尙賓妻孫氏年二十九夫卒有一子又殤矢志守節卒年五十九歲

生員董絲妻梁氏年二十四夫卒有子二歲紡績奉養舅姑人皆稱其以苦節而兼至孝卒年四十一歲

生員董釗妻李氏年十八夫卒子甫六月撫育成立孫四皆入膠庠壽至六十餘終刑部郎中曹鑛妾薛氏夫卒遺腹生子撫養成立甘心苦節至於失明年五十九卒

張名失考妻黃氏年二十二夫卒飢寒困苦誓不改節事翁教子鄉里稱其孝慈焉

董泰寧妻邊氏年二十一夫卒

董泰亨妻李氏年二十三夫卒兩門只有一子安貧撫孤守節有年

呂 琚妻傅氏年二十夫卒繼子承嗣守節有年

儒童孫文煥妻陳氏年三十三夫卒家貧撫孤以養以教子傑廩生孫馥庠生卒年七十六

歲

韓 釗妻孫氏年二十餘夫卒守節至年五十六歲乾隆二年奉

旨旌表

生員董沆妻張氏年二十五夫卒撫育遺孤守節二十六年乾隆四年奉

旨旌表

陳時紀繼妻楊氏夫卒年二十二歲子幼教養成人守節三十二年乾隆十七年奉

旨旌表

生員曹錕繼妻談氏夫卒遺子未及週歲撫孤成立守節三十三年乾隆十七年奉

旨旌表

董陞陞妻佟氏夫卒事舅姑以孝聞教子有成乾隆元年奉

旨旌表

張毓文妻梁氏夫卒年十八奉舅姑撫幼子孝慈兼至守節五十二年乾隆六年奉

旨旌表

學正俞大智妻張氏夫卒遺幼子旋殤以族孫爲嗣年九十一歲守節六十七年乾隆十五

年奉

旨旌表

梁 樹妻竇氏夫卒家貧紡績以養舅姑訓孤兒後爲生員乾隆十年奉

旨旌表

周德昌妻郝氏二十八歲夫卒無子女工以事舅姑後爲女招婿以相倚乾隆十四年奉

旨旌表

梁 統妻王氏夫卒年二十一歲生子未彌月撫養成立守節三十四年乾隆十年奉

旨旌表

吳繼賢妻魏氏夫卒遺子四歲姑曰夫卒子幼奈何魏泣曰從一而終婦道也守節三十一年乾隆十一年奉

旨旌表

曹 鎰繼妻谷氏夫卒子方週歲家有貲產族黨利其有咸勸他適谷正顏拒之而勸者頻頻因截髮如尼以表志有司旌其門乾隆十七年奉

旨旌表

曹志彬妻陳氏夫卒欲以死殉姑以遺腹爲言後生一子慇懃撫養教誨成人守節三十七年乾隆十七年奉

旨旌表

儒童唐壽愷妻李氏夫卒三子俱幼上事公姑下恤幼子守節三十一年乾隆十七年奉

旨旌表

陳玉廷繼妻邊氏夫卒遺前妻子五人己子一人邊撫之如一親族無不歎服後長子發科餘亦身列士林守節四十五年乾隆十七年奉

旨旌表

儒童谷彭春妻劉氏夫卒無子欲以死殉舅姑泣勸乃以堂姪時顯爲嗣守節三十三年乾隆十七年奉

旨旌表

監生陳寶妻谷氏夫卒無子數月其翁亦卒喪葬盡禮家業耗減紡績事姑守節三十六年乾隆十七年奉

旨旌表

周郁文妻王氏夫卒遺孤廷鑑恩勤撫育艱苦備嘗守節三十五年乾隆十七年奉

旨旌表

韓蘇妻谷氏夫卒二子繼嗣勉立門戶艱難困苦概不之計守節三十六年乾隆十五年奉

旨旌表

生員張汝璠妻岳氏夫卒遺子三歲家貧以紡績爲生守節四十一年乾隆十五年奉

旨旌表

王家瑄妻趙氏夫卒遺孤數月守節撫養訓誨成人乾隆七年奉

旨旌表

生員董岱妻馮氏夫卒哀慟不食姑泣曰吾老誰靠孫幼誰依若奈何死乎馮拭淚謝遂
以事姑撫孤爲任守節四十七年乾隆十三年奉

旨旌表

趙廷燦妻李氏夫卒只有二女以姪士傑爲嗣乾隆十三年奉

旨旌表

貢生董蕙妻張氏夫卒遺孤七歲母慟曰吾不幸而孀汝何復然也其自爲計董曰母生女四歲尙欲完貞女有子七齡忍萌他念乎守節四十年乾隆十三年奉

旨旌表

謝崑妻蔣氏夫卒無子以堂姪禧生爲嗣守節三十九年乾隆十二年奉

旨旌表

王振綱妻石氏夫卒遺幼子二人恩勤教養皆得成立守節四十二年乾隆十三年奉

旨旌表

儒童谷 碩聘妻金氏碩卒金聞訃赴奠哭誓不歸督憲孫學憲錢巡憲竇各旌以匾伯氏

生子立爲嗣卽于柩前自縊乾隆七年五月五日事也知縣徐崇熙有傳入文苑乾隆九

年奉

旨旌表

林繼祖妻鄭氏夫卒無子繼伯氏子蕊秀爲嗣以奉公姑守節三十三年乾隆十三年奉

旨旌表

儒童鄭 綺妻谷氏夫卒止有一女繼姪又蔚爲嗣恩勤顧復俱各婚嫁守節三十三年乾

隆十三年奉

旨旌表

李 注妻馮氏夫卒遺孤未及週歲又歿繼姪爲嗣以奉公姑守節四十一年乾隆二十年

奉

旨旌表

鄭之相妻何氏夫卒遺孤週歲家計艱難親操井臼奉親撫孤守節三十四年乾隆二十年

奉

旨旌表

聶時秀妻何氏雞澤訓導慎之媳也慎卒于官秀扶柩至漳河罵賊死事在孝友傳中時何

氏尙少矢志守貞事姑課子備歷艱辛竟以節終烈孝苦節並在一門未獲旌表邑人哀

之

儒童曹惟一妻韓氏年二十四夫卒親老子幼矢志不移鄉里稱之

鄭之義妻楊氏年二十三夫卒家貧過堂兄子為嗣守節三十一年

監生鄭雲程妻呂氏年二十六夫卒子幼竭力撫育名列成均守節二十七年

鄭爾倬妻吳氏年二十二夫卒事公姑以孝撫繼子以慈六十七歲終

生員吳克昭妻王氏年二十四夫卒孝養公姑恩撫繼子卒年五十四歲

吳 鑄妻劉氏年十九夫卒上事公姑下撫繼子守節五十餘年

董 茸妻劉氏年二十一夫卒家貧子幼繼姑欲奪其志不從姑怒艱苦備嘗後其子成立

劉年六十餘卒

扈敏修妻劉氏年十九夫卒教子成立卒年七十九歲

孫名失考妻鄭氏冀州學正愉之次女也年二十夫卒旋生一女繼伯子為嗣紡織為生以奉

公姑父深憐之遺囑二子兆球旌表其節未竟厥志卒年七十二歲按鄭氏係豐潤之女出嫁玉田因舊志載桑宏人之妻曹氏為

蘇州太守首望之女有傳故沿例核入

孝婦孝女附

生員陳斗極妻趙氏事舅姑及祖舅姑以孝聞卽一箸一縑非親製親庖不敢進四十年如一日

阮懋賞妻朱氏年方十六姑病割臂以奉遂愈

張天鳳妻許氏姑病割脇奉之至露骨姑亦愈訓導駱在中區旌之

生員曹涉繼妻楊氏涉出繼叔祖母梁氏爲孫旋病卒楊與幼子侍梁梁已古稀田產所入不敷奉養甘旨罔缺皆從十指出飲食起居不辭勞瘁者十餘年養老送終祭葬各以禮通國皆稱其孝

江士健妻梁氏二十于歸卽以孝聞姑年八旬齒牙俱脫動履維艱梁親床褥侍湯飯備極辛勤歷久不倦卒年六十八歲

王大姐生員王炤之女也母染沉疴大姐年方十五每祝天願以身代潛割臂肉烹以進母病漸愈後適灤州馬字章爲妻

節孝續編

貢生曹 鏗妻談氏年幼夫卒撫孤成名家聲不墜知縣王夢麟旌其門曰操比松筠壽七十餘而卒乾隆三年奉

旨旌表

鄭 鈺妻李氏年二十四夫卒雖貧苦度日事公姑以孝撫幼子有成至七十三歲終
候選學正董潛繼妻盧氏年二十五夫卒無子守志不移

生員王治泰妻谷氏夫卒守志不變乾隆三年奉

旨旌表

儒童魏禮中妻許氏年十八來歸姑已早亡翁染瘋疾年餘許生子方免葬禮中竟以侍疾
勞瘁死未幾翁亡子然孤身家無擔石并日而食守死終身無怨色

生員張 俊妻孫氏十六于歸夫卒守節四十餘年事繼姑以孝聞鄉黨稱之教二子嗣勇
嗣弓有成

監生陳 禮妻王氏年二十二夫卒遺子在抱事祖姑暨姑以孝聞堅心守志苦節有年

尹 明妻楊氏年二十六夫卒姑老子幼家貧兄弟勸之嫁以死自誓其後家益窘楊勤紡

續以奉姑子漸成立長子旋夭媳王氏亦守志不變鄉黨中有一門節孝之稱焉

谷 均妻錢氏年三十夫故矢志守節上事翁姑以孝聞下撫子女皆成立苦節三十四年

卒年六十三歲 以上舊志

前明錦衣衛舍人趙汝勵妻么氏青年孀節凜烈冰霜其墓銘曰生有懿行沒有令名嗟嗟
宜人女則之楨耿耿孀節皎皎賢聲成家裕後子紹前榮清湖之秀婺星之英歸還造化
東魄凝精至今里人路過其墓尙稱道不置焉

前明中門莊民人孫祚之聘妻周氏未婚祚卒周氏聞訃號泣乞靈前一祭夫家許之周氏
哭而入於靈前立誓守貞孝其翁姑撫鬪子孫克紹入邑庠蒙旌表於街中建立牌坊今
雖傾圮遺址尙存故至今仍名牌樓街云 前兩傳舊志未載今據墓銘牌坊遺蹟補入

曾廣生吳啓蒙側室時氏年二十一歲夫卒遺腹生子撫養成立得延宗嗣乾隆五十三年
奉

旨旌表建石坊於中門莊額曰彤史流光教諭陳雲有傳入文苑

太學生吳甸基繼妻佟氏道光戊戌科榜眼貴州提督佟攀梅之胞姊于歸甫八月夫卒守

節孝事翁姑撫前生子如己出咸豐九年奉

旨旌表以姪孫廷溥貤封宜人

增廣生吳醅菴髮妻王氏盧龍縣舉人王埏之女夫卒守節恩撫嗣子克振家聲咸豐九年奉

旨旌表前冢宰萬公表其門曰淑德芳徽

儒童吳廷澗髮妻羅氏郡庠生羅鴻達胞妹夫卒守節光緒元年奉

旨旌表

吳玉魁繼妻楊氏于歸甫月餘夫卒清貧苦節光緒元年奉

旨旌表

趙文遠繼妻郭氏夫卒守節孝翁姑撫幼子得延宗嗣光緒九年奉

旨旌表

孫瑞圖邑之文童生妻張氏乾隆五十年歸孫逾年夫以暴疾卒時氏在母家聞訃晝夜奔

馳百一十里至則一慟幾絕痛悔夫病未侍湯藥不至母家者二十餘年家貧以十指養

舅姑殯葬以禮嗣子廣祿於道光十八年請

旌

張應霞武庠生繼妻羅氏乾隆六十年氏十七歲適張撫前室子如己生二十五歲張父子相繼亡族人有利其嫁而強之者氏以死誓長齋繡佛數十年如一日光緒初請

旌

趙琦妻子氏嘉慶四年氏十七歲適趙二十五歲嫠一女尙幼家徒四壁氏紡績縫紉外惟教女而已女適邑丁氏嫻禮法稱賢淑及女沒遺子女各一氏盡心撫養後依族人終老光緒初請

旌

鄭怡妻薄氏嘉慶十年氏十七歲歸鄭二十二歲夫故一女甫三歲族中無賴者垂涎其產數年兩火其廬延燒不遺寸縷氏就灰燼餘地築草屋居之過族子德車爲嗣咸豐元年學政程公爲之請

旌並親書彤管揚輝四字以表其間

孟景雲妻馬氏夫貿易關外偕之往年二十七夫沒二千餘里扶櫬還鄉擇族姪昌第爲嗣
使入塾讀書以十指佐其膏火咸豐辛酉昌第舉於鄉得力於母教居多及沒遺言曰吾
所憾者獨未得事翁姑盡孝道耳光緒初請

旌

王長齡妻李氏道光五年氏二十二歲夫沒月餘生遺腹子思道撫孤持家克勤克儉迄今
子孫世享溫飽皆氏力也光緒初請

旌

曹城鍾妻王氏賢而有才適曹數月夫卽沒鬻指自矢且賦詩見志曰願隨湘瑟聲中死不
逐胡笳拍裏生光緒初請

旌

武童丁 樹妻魯氏二十七歲夫故無子女事翁姑至孝姑卒翁娶繼室氏事之益恭嗣子
世哲於光緒壬午科登賢書皆氏督責之力也光緒二年請

旌

陳士元妻沈氏年十八適陳時陳已病劇三朝後卽親奉湯藥衣不解帶者數月夫沒孝孀姑撫夫弟經理家務井井有條嘗語諸女伴曰人言守節難吾終日操作初不覺也光緒

初請

旌

李氏張廉訪印塘妾也塘沒時氏年二十八守禮嚴恪二十餘年雖造次顛沛不改其度食貧勵志撫孤有成光緒間以節孝請

旌

畢景安妻高氏年二十八歲夫卒家極貧忽有惡少侮之氏力禦以刀中其顛而逸後村人莫敢褻視焉光緒初請

旌

張德身妻董氏十八歲適張次年夫故不數年翁姑亦故無子無業遂依母家胞弟峻叔業儒家亦貧氏以紡織佐膏火後峻叔由舉人官國子監助教宦居京邸侄鏐如鉦如亦賴姑教養名列膠庠晚年擇族之賢者爲夫嗣光緒初請

旌按張本寧河大楊莊人因氏母家居豐故得與於志焉

張英妻劉氏乾隆十八年二十五歲夫亡守節家極貧奉翁姑以孝聞撫遺孤成立後嗣
書香繼美乾隆四十八年學政金爲之請

旌

阮廷明妻楊氏乾隆三十一年二十三歲寡過子嗣事孀姑以孝聞嘉慶元年請

旌

韓興妻劉氏乾隆五十三年二十六歲夫亡遺二子最幼家貧苦守日恃針黹奉翁姑以
甘旨嘉慶二十四年邑令杜公請

旌額曰柏舟矢志

樊夢卿妻田氏道光元年二十三歲寡遺一子四歲撫之成立咸豐五年請

旌

谷中玉妻張氏道光二年二十一歲夫亡子甫五月撫養成立事翁姑以孝聞光緒初請

旌

王特拔妻張氏道光四年孀年二十歲無子女艱苦守志事翁姑以孝聞及死葬以禮視嗣子如己出鄉里重之光緒初請

旌

談興初妻秦氏道光六年夫亡氏二十七歲清貧守節事孀姑撫幼子三十餘年如一日光緒初請

旌

魯克靖繼妻姜氏道光八年二十九歲寡遺一子僅十歲族人有欲移其節者氏志不稍奪守約撫孤終始如一光緒初請

旌

佟懷仁妻朱氏道光九年二十五歲孀無子守節光緒初請

旌

佟懷德妻楊氏道光十一年二十二歲孀無子守節光緒初請

旌

外委于鳳山妻劉氏道光十一年氏二十七歲寡事姑撫幼勞瘁治家其後人賴之以小康焉於咸豐十年請

旌

曹爽妻張氏道光十七年二十七歲孀遺子女各一矢志撫孤教以義方鄉里稱之光緒初請

旌

李蘭峰妻畢氏二十五歲孀事姑撫孤甘心凍餒父母不能奪其志光緒初請

旌

陳萬倉妻張氏自四歲歸夫家童養嘉慶二十年氏二十八歲夫亡守節咸豐二年六十五歲卒光緒初請

旌

沈益亭妻高氏道光四年十七歲生子甫八月夫亡事翁撫孤孝慈克盡咸豐二年卒是歲

請

旌

沈永中妻周氏秉性和平端重寡言笑二十一歲生子綿齡甫三月夫亡事翁姑和妯娌克盡婦道咸豐初請

旌

陳世修妻高氏十九歲夫亡家貧子幼以紡績爲生活堅心苦節卒年七十四歲光緒初請

旌

陳世英繼室李氏二十七歲孀道光四年請

旌

生員馮兆熊繼妻孫氏二十三歲寡孝事二親恩撫前子光緒初請

旌

孫廣和妻韓氏二十八歲寡孝事翁姑養生送死撫幼子成立光緒初請

旌

孫福同妻孫氏二十九歲夫故子女俱無以姪九敘爲嗣矢志守節年六十九歲卒同治癸

酉年經內閣中書馬恩培在部呈請是年奉

旨旌表州尊何公賜匾曰節勵松筠

文童唐輔弼妻畢氏同邑畢俊爵之女二十六歲夫亡僅生一女矢志守節現年六十一歲
光緒五年奉

旨旌表

監生孫玉鎬妻王氏玉邑舉人王荊琢之女二十九歲夫亡矢志守節撫二子一女成立歿
於同治六年八十三歲卒光緒五年奉

旨旌表

武生曹維城妻趙氏年二十七歲夫故氏撫孤成立入武庠咸豐四年邑令張公褒以節孝
流芳匾額光緒九年奉

旨旌表

李常立妻常氏年十九歲守孀績紡度日上奉邁翁生養死葬下撫嗣子今已成立光緒九
年奉

旨旌表

生員趙仲繼妻曹氏年二十三歲夫故守節撫前子如已出鄉里賢之光緒九年奉

旨旌表

高廷瑞妻子氏年二十八歲夫故守節現年六十三光緒九年奉

旨旌表

張振功妻郝氏年二十七歲夫故教子有成光緒九年奉

旨旌表

張振元妻石氏年二十五歲夫故守孀教子成立光緒九年奉

旨旌表

孫自敏妻劉氏夫卒守節嘉慶二十五年奉

旨旌表額曰筠心松性

孫振鴻妻子氏夫卒年二十六歲守節咸豐元年奉

旨旌表額曰彤管揚芬

儒童王書倫妻高氏夫卒年二十九歲守節咸豐五年奉

旨旌表額曰范簾揚芳

監生王書紳妻王氏夫卒年二十九歲守節咸豐五年奉

旨旌表額曰清節維風

儒童韓祥麟妻吳氏夫卒年十九歲守節同治四年奉

旨旌表額曰松筠勁節

監生王邦俊妻張氏夫卒年二十八歲守節光緒八年奉

旨旌表

韓升妻常氏年二十九歲夫卒家業不豐栢舟自矢紡織爲生活年五十四歲光緒十年

請

旨旌表

文童周東來妻曹氏十九歲夫故奉翁姑撫繼子現年五十五歲光緒九年奉

旨旌表

文童孫繼業妻李氏年二十二歲夫故守節現年七十五歲光緒九年奉

旨旌表

文童孟可樑妻石氏年二十二歲夫故守節光緒六年卒年七十九歲光緒九年奉

旨旌表

徐敬庵妻趙氏年二十八歲夫故生遺腹子貢生濟東爲邑名士氏卒年七十三歲光緒九年奉

旨旌表

徐乃紳妻高氏年二十九歲夫故守孀教子成立且生孫焉現年五十七歲光緒九年奉

旨旌表

徐乃綱妻裴氏年十九歲于歸二十九歲夫歿家貧教子成立現年六十三歲光緒九年奉

旨旌表

徐乃純妻陸氏年三十歲夫故家貧教子成立五十三歲卒光緒九年奉

旨旌表

誥贈武略騎尉孫九錫妻唐氏二十五歲夫亡子女俱無以姪玉釗爲嗣矢志守節光緒五年奉

旨旌表

文童孫玉鋤妻常氏二十七歲夫亡子女俱無矢志守節以姪澄爲嗣光緒五年奉

旨旌表

文童孫長清妻宋氏同邑衛千總宋廷拔之女二十歲夫亡子女俱無矢志守節光緒五年奉

旨旌表

文童張鵬翥妻李氏同邑李均之女二十一歲夫亡子女俱無矢志守節光緒五年奉

旨旌表

庠生高九思妻王氏乾隆元年守節撫孤乾隆三十五年奉

旨旌表

儒童張永歲妻靳氏甯河清豐教諭輝曾之姊也二十九歲夫故家道中衰躬勤紡紉事祖

姑以孝聞撫二子教育有方同治元年奉

旨旌表

李 雙妻楊氏二十四歲夫故八十二歲卒光緒九年奉

旨旌表

董國賓妻高氏二十八歲夫故現年六十二歲光緒九年奉

旨旌表

于君樸妻齊氏二十九歲夫故現年六十六歲光緒九年奉

旨旌表

王朝珍妻張氏二十歲夫故現年五十七歲光緒九年奉

旨旌表

董耀簡妻姚氏二十九歲夫故現年七十六歲光緒九年奉

旨旌表

董體亨妻馬氏三十歲夫故現年七十七歲光緒九年奉

旨旌表

董體望妻安氏二十三歲夫故現年六十二歲光緒九年奉

旨旌表

趙連舉妻馮氏二十三歲夫故現年六十四歲光緒九年奉

旨旌表

甄秀廷妻王氏二十九歲夫故現年五十九歲光緒九年奉

旨旌表

高靜妻周氏二十歲夫故現年六十一歲光緒九年奉

旨旌表

丁保豫妻王氏二十二歲夫故現年五十三歲光緒九年奉

旨旌表

谷美鳳妻韓氏二十八歲夫故現年五十六歲光緒十年奉

旨旌表

李永太妻陳氏二十三歲夫故現年六十五歲光緒九年奉

旨旌表

田福科妻李氏二十五歲夫故年七十卒光緒九年奉

旨旌表

朱慶麟妻唐氏三十歲夫故現年七十五歲光緒九年奉

旨旌表

劉順貴妻閻氏二十九歲夫故現年七十一歲光緒九年奉

旨旌表

王蓋臣妻張氏二十八歲夫故現年六十二歲光緒九年奉

旨旌表

晏克理妻張氏二十三歲夫故守節四十八年光緒九年奉

旨旌表

趙常柏妻李氏十九歲夫故卒年六十一歲光緒九年奉

旨旌表

鄭德溫妻孫氏二十一歲夫故七十七歲卒光緒九年奉

旨旌表

金善繼妻李氏年二十三歲夫故守節孝養翁姑撫育前子年四十二歲卒光緒九年奉

旨旌表

韓友諒髮妻葉氏年十九歲過門二十五歲夫歿遺子韓魁方在襁褓氏上事翁姑下撫幼

子邑令夏公賜以節勵松筠匾額卒年九十六光緒九年奉

旨旌表

武舉王家麒妻張氏年二十八歲夫歿孝親撫孤矢志守節光緒九年奉

旨旌表

杜榮城妻王氏夫故後矢志守節咸豐三年奉

旨旌表

廩貢么占元妻李氏夫故後栢舟勵節咸豐三年奉

旨旌表

武童劉耀廷妻趙氏二十四歲孀子業俱無矢志不渝光緒九年奉

旨旌表

李帶錫妻王氏十九歲孀年六十四卒光緒九年奉

旨旌表

孫其瀄妻張氏二十二歲孀勵志守節光緒九年奉

旨旌表

梁景祥妾劉氏二十三歲孀潔清自守光緒九年奉

旨旌表

鄒昇妻徐氏二十二歲孀守志四十四年光緒九年奉

旨旌表

聞守榮妻陳氏二十二歲孀五十三歲卒光緒九年奉

旨旌表

聶萬靈妻楊氏十九歲孀奉親教子鄰里賢之光緒九年奉

旨旌表

任福凝妻喬氏十七歲孀守節四十一年光緒九年奉

旨旌表

儒童王廷芳妻佟氏二十三歲夫歿事翁姑以孝貧無立錫惟以紡織爲生計清苦自守光緒十年奉

旨旌表

董興址妻王氏二十三歲夫歿守節四十六年咸豐元年奉

旨旌表

董魯璠妻齊氏二十歲夫故事孀姑王氏克盡孝道姑歿後嗣子以繼夫緒撫育成人亦病故惟與孀媳邵氏躬親紡績口飫糟糠族黨咸以雙節稱齊氏現年八十歲咸豐二年奉

旨旌表

處士董禮妻李氏恩榮九品作舟姊也年二十八歲夫故時姑已八旬子僅九月仰事

俯蓄夙夜勤劬理務持家門庭肅然迨子翔墀成立少年遊庠氏現年七十七歲康健異常同治元年奉

旨旌表

儒童李銘恩妻張氏二十一歲夫亡氏端莊節儉矢志靡他繼姪爲嗣愛如己出六十八歲壽終同治三年奉

旨旌表

侯景昌妻么氏二十三歲夫故苦節五十四年現年七十七歲同治十年奉

旨旌表

董培薰妻田氏二十四歲夫歿家貧遺子三歲氏苦節自貞事翁姑教子孫鄉里皆稱其善至道光十五年八十二歲而故守節五十八年光緒初請

旌

董奉春妻劉氏二十一歲夫故翁早鰥居子甫週歲氏仰事俯畜矢志靡他後諸孫林立四

世一堂同治元年奉

旨旌表

王自良妻李氏嘉慶十九年夫故氏年二十七歲苦節五十年七十七歲壽終

李化龍妻杜氏十九歲適李二十四歲孀現年六十八歲

安天和妻王氏十八歲適安二十一歲夫亡貧苦自甘紡織度日現年六十歲

儒童李誨廷妻魏氏十七歲適夫嘉慶九年二十七歲夫故時孀姑三十九歲孤子二歲勤

苦艱辛糟糠不厭仰事俯畜婦職克全咸豐七年年八十一歲歿苦節五十四年

董錫躬妻張氏二十二歲夫故生子汝弼甫周歲劬勞撫育教訓嚴明數十年如一日孫柱

良氏命之讀書弱冠遊庠氏勵節五十餘年持家訓子孫至老不倦現年七十七歲

李福永妻谷氏現年七十三歲道光七年適夫道光八年夫歿有遺腹生子仁龍撫養成人

今且生有二孫苦節冰霜五十餘年

呂殿奎繼妻韓氏二十二歲夫故時衰翁在堂季子在襁氏天日自矢之死靡他終歲勤劬

無怨色且撫恤叔子亦克有成現年七十一歲

呂 淦妻湯氏二十五歲夫歿氏性孤冷寡言笑居常不御粱肉遺孤教以義方弱女示以

閩訓闈里咸欽敬焉現年六十七歲

張伯順妻陳氏二十七歲夫歿甘貧苦節三十餘年現年六十五歲

毛慶儒妻么氏十九歲夫故無子無業以紡績奉養孀姑現年六十三歲

毛桂蘭妻唐氏二十七歲守孀現年七十六歲

毛士義妻張氏二十九歲夫歿守志現年六十一歲

翟雲亭妻董氏年二十二歲守孀子業俱無近支又乏宗派後於遠支擇嗣教養成入三十餘年艱難困苦現年六十一歲

董銘妻李氏二十七歲夫故氏守節苦度事翁姑以孝教幼子有方苦節五十四年年八十一歲歿

張文郁妻杜氏夫歿時二十八歲遺子女俱幼苦心守節養女出嫁教子成立現年六十歲
廷董芳妻任氏十九歲夫歿孝養翁姑撫猶子振元爲嗣甘心守志久而愈堅年六十四歲
卒

董振才妻谷氏夫歿時二十四歲過子玉溁爲嗣守節四十九年年七十三歲卒

孫 沛妻李氏武生主鎮次婦也二十八歲夫故無子無業紡經度日苦節五十一年現七十九歲

庠生宦官陳妻安氏灤州廩生安祥女二十四歲夫亡一子鳳鳴尙幼矢志守節年八十一歲卒

文童董鳳鳴妻李氏二十八歲夫亡矢志守節年六十一歲卒

甘輝智妻張氏二十六歲夫亡矢志守節現年六十三歲

李萬德妻高氏二十八歲夫亡家清貧以紡績爲生撫幼子成立現年六十四歲

董 澄妻王氏十八歲甫于歸夫亡子女俱無矢志守節現年五十五歲

李長鐸妻張氏二十一歲夫亡子女皆無矢志守節現年五十五歲

張義生妻高氏于歸甫五月夫亡氏年十七歲子女俱無矢志守節現年五十三歲

崔成生妻班氏年二十六歲夫卒遺一子甫兩月家徒壁立氏紡織以奉翁姑撫幼子翁姑

相繼歿氏葬之盡禮現年六十三歲

鄭永年妻佟氏同邑佟獻瑞之女道光二十二年適鄭年十七歲咸豐三年夫卒氏年二十

八歲矢志守節撫二子一女成立現年六十三歲

穆美才妻楊氏年二十二歲夫卒清貧苦節績紡爲生現年五十三歲

范景山妻劉氏年二十七歲夫卒矢志終身撫嗣子不啻己出現年七十三歲

李廷玉妻常氏年二十六歲夫卒家貧無子織席爲業事姑至孝現年六十歲

劉顯春妻李氏年十六歲夫卒矢志靡他現年六十歲

丁 緯妻劉氏十九歲守節家貧寒零丁孤苦事翁姑以孝處妯娌以和撫諸姪以慈年五

十二歲卒

趙希賢妻李氏年十九歲夫卒無子無業紡織爲生現年五十五歲

李 壇妻張氏年二十八歲夫卒栢舟矢志撫幼以慈現年五十五歲

周振鵬妻劉氏漢軍旂人年二十六歲夫卒事姑以孝撫孤以慈冰霜矢節鄉里宗族無間

言現年六十歲

趙惠和繼妻許氏年十九歲夫卒前子方數齡遺腹生一女撫幼恤孤各得其道現年六十

一歲

魏學徵妻鄭氏諸生其進之胞妹也咸豐初學徵以雜職候補江蘇適髮逆竄江甯城陷死之氏因家貧無靠有一子在孩提遂依母家生活勤紡績甘淡泊三十餘年如一日今子已成立氏年六十歲

盧平妻李氏十九歲夫故撫過子鳳階如己出長爲之延師課讀及鳳階捐納太學生旋又少亡媳李氏自二十八歲守節與姑形影相依苦度歲月族黨中有一門雙節之稱焉庠生了溥妻董氏夫故遺二女俱幼自念家貧無子不如從夫地下乃於夫死之次日攜二女投家園井中浮而不沈人救出移時復蘇視二女則已死矣由是以縫紉養生年至七十餘猶能操女紅焉

孫希龍妻高氏于歸逾年夫歿無子女事翁姑克孝翁誤傷人命繫獄氏往來探視無難色里黨賢之

何義川妻閻氏委禽後何患軀血疾何父母泥喜衝俗論急請期氏父執不允氏力勸從之合卺未兩旬夫卒終身無嫌怨焉

王萬清妻戴氏年三十歲夫卒矢志守節年六十一歲卒

王萬有妻李氏年二十九歲夫卒家貧守節事親撫幼孝慈兼盡現年六十一歲

郭雲妻高氏年二十七歲夫卒子業俱無矢志守節現年六十一歲

侯恕妻劉氏年十七歲夫卒無子以侄爲嗣教養成人現年五十八歲

李發妻陳氏年二十一歲夫卒遺孤甫彌月家無生業姑已早歿翁與夫弟迫令他適母

家亦屢說之氏乃毀容覓死日夜悲啼鄉鄰爲之排解而事乃寢氏僅有租地數畝晝夜

紡績教子成立今有四孫矣

繡童生錫緒妻張氏年二十五歲夫卒前生子甫及七歲氏矢志撫孤一如已出現年五十

七歲

俞文蔚妻姜任氏年二十九歲夫故無子饘粥不給苦節四十五年卒年七十有四歲

儒士俞濤妻魏氏年二十六歲夫故時孀姑在堂遺二子皆在孩幼氏奉姑撫子孝慈

兼養雖家貧屢空晏如也現年五十六歲

儒士劉燦妻牛氏年二十九歲夫卒無子無業事繼姑以孝聞苦節四十五年卒年七十

有三

卞長貴妻馮氏年二十三歲夫卒無子苦節自守現年五十六歲

儒士劉豐年妻李氏年二十七歲夫卒子女俱無事翁姑以孝稱苦節三十五年卒年六十二歲

劉家楨妻史氏年二十三歲夫故家極貧撫孤成立現年五十四歲

蘇萬元妻包氏二十六歲夫故矢志靡他持家勤儉現年五十七歲

郭永順妻劉氏二十九歲夫故矢志守節撫幼子秀連成立年六十一卒秀連殯葬以禮守墓百餘日鄉人以母節子孝稱之

鑲白旂漢軍金英妻陳氏二十一歲夫故上事孀姑下撫二女井白親操以積勞致疾年三十七先姑而卒

王永慶妻張氏二十三歲守節孝事翁姑冰霜勵操現年五十六歲

鄭守桂妻趙氏二十八歲夫故過嗣子秀先教養兼至計守節三十四年卒

蔡福來妻武氏年二十五歲夫卒家貧子幼孤苦零丁現年七十歲

武生王 龍妻張氏年三十歲夫卒家貧撫幼子成立現年六十六歲

丁天章妻王氏年二十八歲夫故事翁姑以孝撫孤成立現年六十歲

庠生丁文城妻蕭氏年二十六歲守節事姑至孝撫孤至嚴節儉持家始終如一年五十六

歲卒

儒童張春田妻章氏年二十四歲夫卒無子繼伯子爲嗣善事翁姑現年八十一歲

生員焦維武妻王氏夫卒無子以姪琴爲嗣殷勤課讀使繼書香方應童試而卒遺二孫其

媳王氏亦矢志靡他蓋一門雙節焉婦現年七十三歲

儒童曹永全妻姚氏年二十一歲夫卒無子以姪爲嗣現年六十六歲

王貴衡妻汪氏年二十八歲夫卒遺二子勵志守節撫孤成立現年六十四歲

張鳳舞妻單氏二十七歲夫卒無子善事翁姑守節至八十四歲卒

翟廷煥妻常氏二十七歲夫故現年五十八歲

生員陳維新正室劉氏二十九歲側室王氏二十歲夫故後孀庶相安撫子成立劉氏現年

六十歲王氏現年五十一歲

李霽雲妻董氏二十二歲夫故無子矢志不嫁孝事翁姑過堂弟子爲嗣愛逾己出現年六

十二歲

孟雲從妻董氏二十八歲夫故咸豐七年學憲李公嘉以松筠貞操匾額

鄭守柱妻趙氏夫故後矢志守節過兄子光遠爲嗣教養兼至光遠中道光丁酉副榜其得力於母教居多云

張文奎妻王氏二十一歲夫故無子二胞弟文成妻楊氏二十歲夫故無子四胞弟文緒妻董氏十九歲夫故無子先是兄弟析居至妯娌俱孀皆矢志不移同居合爨過三胞弟子張柱爲嗣鄉里稱一門三節云

崔振廷妻李氏二十歲夫故無子矢志守節現年五十三歲

趙起政妻王氏二十五歲夫故持家有道教子青漢遊庠現年七十歲

陳天柱髮妻王氏三十歲夫故現年六十五歲

陳占儒髮妻王氏二十九歲夫故六十九歲卒

王作朋髮妻董氏十九歲夫故現年五十二歲

梁昭繼妻董氏三十歲夫故現年八十二歲

楊永來髮妻王氏三十歲夫故現年七十一歲

儒童鄭玉妻董氏二十五歲孀九十四歲卒

梁傑繼妻陳氏十九歲夫故矢志守節勤儉持家經邑令郝公以貞節匾額嘉之

丁永山繼妻沈氏二十九歲夫故淡泊自甘以縫衽爲生活現年六十歲

沈瑞璋妻韓氏二十一歲夫故子業俱無安貧守志現年五十二歲

馬士祿妻劉氏二十七歲夫故矢志守節持家儉素現年六十三歲

趙富妻吳氏二十三歲夫故現年五十四歲

張鳴先妻高氏二十七歲夫故現年五十七歲

閻玉和妻王氏十八歲夫故現年五十一歲

李逢年妻董氏十八歲夫故矢志堅貞紡績度日孝事翁姑族黨賢之現年五十歲

文童韓應祥妻李氏二十三歲孀奉姑教子孝慈兼盡光緒九年奉

旨旌表

王士寬妻張氏二十六歲孀光緒九年奉

旨旌表現年六十八歲

王臨泰妻劉氏三十歲孀守節至六十卒光緒九年奉

旨旌表

王鳳舞妻榮氏二十七歲孀光緒元年奉

旨旌表

張兆魁妻陳氏二十九歲孀守節四十五年光緒九年奉

旨旌表

段永發妻魯氏二十歲孀守節四十年光緒九年奉

旨旌表

文生梁雲溪妻夏氏二十八歲孀矢志守節光緒九年奉

旨旌表

曹煥妻林氏于歸後奉翁姑以孝稱年二十七歲夫故遺三子一女皆孩幼家又清苦氏
績紡不辭勞瘁撫子女成立家道亦小康焉光緒九年奉

旨旌表

錢振宗妻鬬氏二十九歲夫故持家教子宗族稱之光緒九年奉

旨旌表

吳耀昆妻侯氏二十六歲孀守節至七十三卒光緒九年奉

旨旌表

胡津源妻吳氏十九歲孀時家道中衰氏貧苦自甘以鍼黹爲生活現年五十四光緒九年奉

旨旌表

孫乃賡妻張氏二十一歲孀光緒九年奉

旨旌表現年五十五歲

鄭平侯妻佟氏二十四歲孀光緒九年奉

旨旌表現年六十三歲

曹金山妻趙氏二十三歲孀光緒九年奉

旨旌表現年五十七歲

徐明善妻郭氏二十四歲夫故後翁姑亦相繼沒房僅間半傾圮族人憐而葺之氏清苦自守終始不渝光緒九年奉

旨旌表

徐景祥妻畢氏二十五歲夫故誓不再醮以績紡奉舅姑年三十五卒光緒九年奉

旨旌表

趙大任妻寇氏十七歲孀撫嗣子成立咸豐九年奉

旨旌表

生員趙大椿妻李氏二十六歲孀撫二子成立次子國華同治癸亥成進士九年奉

旨旌表

謝景旺妻王氏二十歲夫故孝順翁姑教養嗣子光緒十二年奉

旨旌表

王翼妻傅氏夫故遺一子德凝甫彌月家貧以針黹自活德凝少長學爲賈家始豐盛皆

母教也光緒九年奉

旨旌表

儒童王 猷妻高氏二十九歲夫故孝事翁姑教子姪有成舉人崔樹寶楊遇霖孟昌言皆有傳守節四十九年同治二年奉

旨旌表

董佃良妻李氏二十七歲夫故苦節三十年光緒九年奉

旨旌表

李惠龍妻高氏二十四歲夫故矢志守節光緒初奉

旨旌表

楊茂育妻林氏二十五歲夫故貧苦自甘紡績度日同治十年奉

旨旌表

李世潛妻黃氏夫故後勤苦自安矢志守節光緒初奉

旨旌表

沈世鼇妻曹氏二十九歲夫故勤儉持家撫幼子成立光緒初奉

旨旌表

金占元妻谷氏二十四歲夫故現年八十五歲光緒九年奉

旨旌表

谷瑞廷妻李氏二十一歲夫故現年五十三歲光緒九年奉

旨旌表

孫秉貞妻田氏二十三歲夫故現年六十五歲光緒九年奉

旨旌表

節烈賢孝

婦附女

畢烈婦西河莊人畢克儉之女年二十適黑崖子村高姓伯仲皆不才逾二年伯因飲博無資嚇誘其夫售婦於本村田姓婦知之與伯忿相詬伯執挺擊婦仆勢將厥田姓強娶之婦出無奈是夜投繯死事聞邑令謹題其楔曰今生烈婦來世夫人

李烈婦魯各莊人年十九歲歸蠻子營周二郎二郎夙疾娶二年而卒時光緒元年十月也

既葬周之族嫉其舅姑嫁婦以爲利烈婦聞之誓以織席爲生計舅不許烈婦乃仰藥死
去二郎死僅一月耳聞者咸嗟歎之

張景俊妻董氏十九歲歸張夫負薪於野爲暴雨所淋而死數月生一女翁姑以其無子奪
其志嫁有日矣氏知事不獲已於夜自經死鄉里哀之

光祿寺署正銜文生梁蘭祥繼妻王氏大城候補同知王曾楫之女也未嫁時割臂煎藥曾
瘳父病及適梁數年蘭祥歿於次夜以身殉遠近咸欽其孝且烈焉有傳入文苑

李義安妻王氏諸生貫三奉三胞侄女也年二十六義安病沒遺一子尙孩幼且貧無立錫
氏以夫家無靠就母家賃敝屋而居時或斷炊諸叔賙恤之氏曰此非常計也安貧守志
兒分內事胡伙助爲於是日事縫紉粗糲自甘孀居十一年其子至十六歲忽得暴疾死
氏葬子畢數日不食亦卒族黨罔不哀之

孫崧年妻趙氏山西長治縣知縣貴麟三媳也十九歲于歸七年夫有疾且篤氏語人曰翁
姑俱歿生無子女渠儻有不諱不死奚爲迨崧年卒亦仰藥以殉

庠生張秉浩妻子氏聘定未娶聞夫計時欲往奔守節父母力阻之氏因此仰藥偕亡光緒

初請

旌

董烈女邑武庠生張某

名失其

聘妻也張十五遊庠有遠志俟舉於鄉始合昏嗣因下第憤悒

卒烈女聞之欲矢死婚家父母阻之旋自經父母憐之請於邑宰得合葬焉陶薊圃作連

理歌以輓之歌入文苑

張佩縈臬司張印塘之第五女也咸豐十年賊陷杭州女夙通經史志節不屈躍入水中死

城復家人覓尸得之清波門外顏色如生時年十九光緒間以孝烈請

旌

趙氏女南坨莊梁啓祥聘妻也啟祥患瘋疾久不愈夫家議令女父改聘女知之誓以死待

父母欲強奪其志遂仰藥死時年二十四啟祥瘋至四十二歲卒其家乃迎女柩合葬焉

董大蘭董各莊鈞佩之女鈞佩爲商於奉天遂攜家寄居牛莊適馬賊蠡起於同治四年三

月九日突至牛莊闖入鈞佩之室時惟大蘭獨坐見賊入急握裁衣剪刺喉賊奪剪挾女

出大號呼自抓其面鈞佩聞之握短刀出與賊鬪女呼曰父速殺我恐被賊污也鈞佩

力斷女喉並及賊腕女死羣賊遂戕鈞佩及男女數口惟一少子自後院逃出孝廉孫贊元爲傳紀之

張氏于潮莊張際雲之女父早故母氏劉撫女與其二幼弟女年十七日事女紅不出庭戶一日劉氏有故外出有僮薄子偵而入向女戲謔女厲色詈之僮薄子懼而逸劉歸女語之故問爲誰曰不識劉姑慰之俄頃失女所在忽鄉人譁曰池中有女子溺救之已死矣此同治十年四月事也

鄭倬長媳趙氏生員錫紳妻次媳孫氏天文生錫縉妻三媳孫氏四媳姓氏無考從九品福潤妻與夫隨倬宦寓皖省粵匪之變攻陷皖城倬及紳縉福潤姪孫迎恩同死王事趙氏等聞變及其家人僕婦皆死之殆一門殉難幼穉不遺云

廩生侯錫恩妻鄭氏適侯數年事親奉夫極爲和順光緒十二年秋間夫染時症日就沈疴氏謂家人曰若如不諱吾無子女不死何爲及侯沒少頃氏亦仰藥死此與梁蘭祥繼妻王氏殉夫相隔僅年餘情事稍異而節烈正不多讓云

文童李冉妻王氏年二十三夫卒無子女事繼姑以孝稱有田三十畝不敷用以鍼黹佐之

適姑病且危剗左臂肉和藥中姑服之尋愈後又患痰疾臥牀榻七年氏扶持之無倦色族人重其賢擇宗子爲嗣計守節六十年八十三歲卒

漢軍旗趙廷琛妻徐氏年僅二十因姑趙氏臥病數月醫藥罔效焚香默祝割臂肉和藥以進病稍瘳月餘又作其嫂土氏亦割肉和藥以進病始痊一門兩孝婦族黨賢之

漢軍旗陳博文妻趙氏歲貢生雲漢女也翁患痰疾十餘年夫因家貧恒出外營作一切旨甘湯藥惟氏是賴厥後八年疾篤至不能動轉氏床榻不離進飲食接便溺毫無難色怨言里人胥歎美之

陳輝遠妻丁氏幼讀女箴明大義年二十八夫以家貧遠出謀生時邁翁在堂夫弟年幼一

子方離襁褓氏晝灌園夜紡績仰事俯畜爲翁謀旨甘者十餘年叔與子胥授室焉年六十五卒

紀兆麟妻魏氏十八歲于歸未久夫赴關東貿易歿氏孝養邁翁殯葬盡禮現年六十有八生員董清妻張氏灤州增生張全肅之女十七歲于歸後謹守婦儀姑張氏素患病道光

二十二年三月閒舊症復發殆將不起時翁夫俱出外教讀小姑小叔年幼氏奉藥罔效

遂靜夜焚香割肱肉和藥以進姑病立愈氏於此事不欲人知後家中見其左肱有刀痕始詢悉其狀自是遠近咸以孝婦稱

董盛邦妻閻氏二十一歲適夫二十六歲夫出遠遊不知所之翁姑俱衰氏毅然以養生送死爲任後翁姑相繼卒喪葬盡禮終身紡紆不出門戶現年七十四歲

張佩紉臬司張印塘之第七女也性靜婉工繡能詩嘗割臂肉療孀母田夫人疾戚黨咸稱其孝未字而卒光緒閒以孝女

旌

于景和國學生妻耿氏因翁病亟百藥罔效乃割臂肉而進之翁病頓愈後因夫病又靜夜焚香禱神割肉奉夫人謂氏之孝且賢爲今時所罕有焉

田璧妻石氏姑氏詹六十餘喪明舉動需人氏奉養服勤終無疎怠夫染沈疴思葠湯飲氏念家貧力不能致乃割腕肉煎湯代之夫病尋愈鄉人賢之

李發妻劉氏年三旬夫遠出家赤貧有子尙幼翁年六十餘日晷氏日乞食於鄰里得食先供翁然後與子分食之翁出必扶掖防其傾跌如是者十餘年翁卒氏匍匐乞鄉里助

得棺葬之

王成萬妻郭氏十七歲于歸不數月夫遠出家極貧氏以紡織養翁姑衣食無缺後聞夫卒因無子嗣父母欲奪其志氏誓以死守歷四十餘年翁姑始卒有薄田二三畝俱典以殯至今仍自食其力焉

李 培妻馮氏年二十四歲夫得狂易疾日夜喧鬧氏曲意承順防守不離歷十年而夫亡事姑氏張尤承顏希旨有孝子之風後以夫弟子福純爲嗣

李彬來妻夏氏年十九歲適李夫於次年遠遊渺無蹤迹氏事姑生葬盡禮貧苦自甘終身無怨言苦節五十餘年卒

劉 潤女響姑年十九歲待字閨中母楊氏病癱瘓晝夜奉養供飲食滌便溺扶起坐凡三年無少怠族黨詢母病淚輒盈眶再問卽大哭嗣以扶抱其母用力猛得勞傷母亡不數月尋卒

都司銜趙 鎔妻周氏光緒八年鎔病數月一日約罔效氏潛割左臂肉寸餘入葯中煎而進之病若失十二年鎔又病如前狀氏仍割臂肉和葯進之且禱于神願以身代而鎔病

加劇未幾沒迄今氏創痕猶宛然焉

鹽大使趙錦有女字夢樓幼而失恃讀書嫻嫻教事繼母愈婉無違女紅之外伏案寫經日誦于繡佛之前祝父母康泰父母小不豫即愁不自勝焚香泣禱祈減算以增親壽有為之媒者輒卻之曰吾有足疾豈堪作婦苟得常依膝下不願嫁也女于光緒十二年三十以疾卒

按貞節有關風化本擬著載從詳奈百三十年來人數十倍於舊而卷帙實覺難容且節勵冰霜事蹟大概相似流芳後世祇惟姓氏不沒而已今就採訪為斷先報者從詳後報者從略多寡使然非有輕重於其間也敢望識者諒之

袁晟文妻韓氏

張其謨妻趙氏

陳景陸妻張氏

張維遠妻李氏

王金城妻孫氏

董時雍妻高氏

王金萬妻薄氏

鄭朝珍妻孫氏

王邦彥妻張氏

張葆明妻孫氏

張永祥妻李氏

郭慎猷妻孫氏

裴漢鎮妻王氏

孫志讓妻劉氏

唐之演妻姚氏
李廷棟妻孫氏

于克勳妻李氏

周福來妻石氏

宋兆瑞妻董氏

劉憲成妻楊氏

陳時遇妻谷孫菖蒲妻修氏

李天廣妻谷氏

董 仟妻唐氏

董文德妻呂氏

谷福慶妻劉氏

劉連城妻錢氏

王鳳昌妻高氏

么翼之妻張氏

陳占魁妻王氏

魯藻方妻李氏

魯克靖妻項氏

陳良繼妻王氏

何顯廷繼妻葛氏

鄭蘭馨妻侯氏

賈克相繼妻蔣氏

杜馨澧妻董氏

張文明妻王氏

于時雍妻白氏

鄭蓮甫妻丁氏

常 杰妻朱氏

趙順生妻張氏

馮 岳妻張氏

劉國元繼妻李氏

孫萬程妻高氏

吳永和繼妻繆氏

張 銜妻傅氏

傅于天妻解氏

皇甫鐸妻谷氏

張起園妻魯氏

趙 澍妻孫氏

宋 嶠妻王氏

董成文妻孫氏

李克全妻劉氏

高 騫妻宋氏

孫 超妻賈氏

么佩莪妻翟氏

卞振凡妻劉氏

董 响 二房妾方氏
三房妾朱氏

李成福妻李氏

劉德元妻曹氏

李連卿妻侯氏

陳昱文妻張氏

吳可亭妻常氏

孫 慎妻李氏

王廣文妻貞女張氏

張瑞麟妻焦氏

王德亨繼妻汪氏

廩生李文岐妻馬氏

張 榆妻王氏

金玉田妻楊氏

晏存誠妻馬氏

楊兆麟妻李氏

董師敬妻趙氏

馮永凝妻張氏

王麟祥妻史氏

董尙賓妻孫氏

董家駿妻李氏

張立楨妻王氏

夏奇峯妻董氏

生員么瀚妻魯氏

漢軍旂趙 栢妻張氏

儒童張 鉦妻鄭氏

劉有養妻田氏

董承乾妻魏氏

王懷融妻王氏

齊友諒妻姜氏

唐士輝妻崔氏

侯尙友妻王氏

張天義妻高氏

武生陳世魁妻王氏

皇甫謨妻李氏

武生皇甫靜妻鄭氏

劉振聲妻孟氏

馬廷顯妻張氏

許耀環妻馮氏

趙成緒妻李氏

監生李文朗妻高氏

盧佩科妻傅氏

生員曹策勳妻劉氏

儒童劉瑞立妻侯氏

孟福裕妻蕭氏

儒童孫 崐妻苗氏

儒童孫元仁妻卞氏

楊步庭妻宋氏

張玉成妻朱氏

吳振廷妻朱氏

李世傑妻吳氏

張樹桐妻范氏

董鳳桐妻殷氏

董鳳翹妻劉氏

張 璿妻安氏

張 純妻趙氏

鄭福傑妻邊氏

儒童王永柱妻李氏

廩生李文煦妻邵氏

趙 玉妻吳氏

于延年 妻宋氏

趙長柏妻李氏

監生趙 光妻王氏

趙連陞妻楊氏

武舉王玉麟妻谷氏

文童谷保和妻張氏

王 利妻吳氏

郭亮清妻鍾氏

郝 泰繼妻王氏

金百祥妻王氏

金朝陽妻陳氏

周文炳妻張氏

儒童尙清和妻張氏

張光裕妻郭氏

楊芝蘭妻張氏

孫寶善妻陳氏

董文學妾劉氏

郭連陞妻張氏

艾聖修妻李氏

劉魁妻齊氏

趙隆全妻康氏

史希聖妻張氏

曹連陞妻陳氏

雷廷信妻劉氏

楊嘉有妻王氏

楊萬金妻廖氏

皇甫源妻李氏

皇甫棠妻土氏

董春齡妻王氏

王福妻余氏

石宗信妻賈氏

紀純義妻畢氏

王天才妻李氏

劉善魁妻李氏

王振璞妻劉氏

唐守智妻子氏

李時福妻張氏

裴有善妻邊氏

董萬來妻李氏

高鉞妻宋氏

劉成讓妻孟氏

薛松林妻魏氏

何國正妻王氏

劉東漢妻陳氏

王太山妻李氏

李秀生妻谷氏

吳魁五妻楊氏

董錫壽妻季氏

高奎林妻李氏

張諡妻孫氏

鄭家麟妻王氏

么連文妻萬氏

張連德妻陳氏

王承統妻裴氏

薛紹曾妻張氏

李儒妻董氏

胡守德妻梁氏

張允妻耿氏

胡琛妻劉氏

楊占鼇妻洪氏

監生李長治妻董氏

李林材妻吳氏

李國增妻么氏

武生才邦達妻董氏

錢柱霄妻艾氏

李玉田妻趙氏

田作屏妻董氏

陳國柱妻郭氏
陳世珍妻高氏

韓應祥妻李氏
吳坦妻韓氏

李楷元妻劉氏

胡德林妻劉氏

時永順妻王氏

趙策妻子氏

武生楊占英妻韓氏

沈連靜妻賈氏

郝良雲妻趙氏

么作忠妻劉氏
魯激繼妻田氏

同知
銜楊紹德妻張氏

裴有漢妻劉氏

劉廷臣妻徐氏

韓奎貴妻李氏

劉遡芳妻張氏

李白峰妻董氏

李鴻飛妻宋氏

李永芳妻李氏

齊運昌繼妻楊氏

劉廣文妻曹氏

李文德妻孟氏

孫福桂妻谷氏

王楨妻李氏

宋金坦妻張氏

張宗富妻張氏

李彬妻張氏

李漢妻楊氏

貢生張堃繼妻高氏

李昌符妻吳氏

唐文會妻曹氏

李德妻姚氏

崔名山妻龐氏

曹綱妻張氏

董桂齡妻劉氏

陳永修髮妻秦氏

陳維凝妻曹氏

裴世俊妻李氏

李玉文妻侯氏

劉俊德妻范氏

文童黃秀峰妻趙氏

馮永貴妻楊氏

聞廣仁妻周氏

李時馨妻王氏

竇仲妻郝氏

何琳妻楊氏

張景峻妻董主四聘妻張氏

文童孫麟祥妻王氏

樊義廷妻李氏

韓濬川妻劉氏

劉崑妻許氏

高淑妻唐氏

陳相林妻子氏

岳龍雲妻趙氏

楊坦妻王氏

李景雲妻潘氏

劉萬全妻賈氏

沈瑞庭妻王氏

高樹源妻雷氏

張玉廷妻王氏

王果妻鄭氏

李雲飛繼妻劉氏

文童谷連山妻劉氏

趙景富妻石氏

趙福桐妻周氏

文童韓秀蘭妻王氏

文童韓秀明妻紀氏

趙守文妻王氏

李繼元妻傅氏

李會元妻劉氏

郭文舉妻王氏

董永和妻王氏

王 澂妻張氏

李兆祥妻崔氏

侯 崑妻吳氏

李邦孚妻夏氏

孫作棟妻鄭氏

陳家修妻丁氏

于和順妻邊氏

王天增妻趙氏

劉兆熊妻董氏

劉開義妻劉氏

畢金順妻王氏

文生胡奇峰妻孫氏

王寶勳妻谷氏

楊鴻魁妻劉氏

董鳳墀妻卞氏

王廣全妻李氏

陳天柱妻李氏

亢 和妻韓氏

劉萬年妻李氏

周文光妻谷氏

常士喜妻劉氏

董 貴妻劉氏

侯 敏妻林氏

高 志妻侯氏

姜文可妻劉氏

姜文煥妻李氏

李克昌妻谷氏

王廷弼妻何氏

竇福恩妻李氏

薛文讓妻王氏

任 魁妻宣氏

党兆風妻李氏

魏占鼇妻韓氏

李思禹妻薄氏

亢 德妻韓氏

周文煥妻白氏

監生李昌煦妻董氏

陳有謨妻劉氏

王 桐妻焦氏

王守貴妻崔氏

楊履恒妻蘇氏

李 潤妻張氏

鄭天位妻劉氏

劉邦發妻楊氏

丁芳桂妻劉氏

劉雙盛妻許氏

胡振生妻段氏

白玉儉妻孫氏

王履祥妻李氏

鄭兆鏞妻曹
劉祥麟妻張氏

張永山妻么氏

唐立中妻子氏

王 忠妻李氏

李 榮妻王氏

谷連福繼妻詹氏

侯 永妻李氏

李廷璋妻董氏

鄭鶴年妻董氏
庠生董時若妻杜氏

王玉德妻吳氏

田景五妻鄭氏

張廣順妻馬氏

汪朝福妻郭氏

楊 成妻王氏

劉百順妻袁氏

劉崇本妻白氏

劉文光妻劉氏

王振明妻門氏

王廷對妻呂氏

董照楨妻李氏

孫福來妻姚氏

董哲惠妻侯氏

楊奉元續妻董氏

李廷玉妻常氏

孟連慶妻劉氏

計長清妻谷氏

高永貴妻周氏

楊德昭妻子氏

侯慶雲妻王氏

姜德全妻王氏

董鑑觀妻邵氏

王進祿妻楊氏

董俊生妻趙氏

董耀德妻高氏

董稔年妻楊氏

王美山妻熊氏

李國玉妻李氏

張永和妻孫氏

吳永明妻劉氏

劉紳妻姚氏

吳永太妻韓氏

白瑾妻張氏

王廣發妻汪氏

吳琢妻褚氏

孫繼業妻李氏

高順妻閔氏

韓永則妻鄭氏

李仲妻楊氏

韓陶淑妻李氏

張煒妻常氏

田廣儒妻李氏

張灼妻高氏

劉秉貞妻田氏

高謙妻宋氏

王有壽妻崔氏

孫柱妻韓氏

裴德成妻張氏

李岳妻邊氏

孟海廷妻魏氏

王宏福妻鄭氏

王宏玉妻朱氏

楊連美妻張氏

韓玉瑋妻王氏

王會泰妻李氏

劉明哲妻鄧氏

王秉仁妻孫氏

呂作忠妻董氏

么作新妻霍氏

韓 鎬妻王氏

李樹英妻吳氏

韓 鏞妻楊氏

董敷功妻馬氏

么顯凝妻朱氏

董開基妻張氏

古太和妻韓氏

董玉書妻李氏

賈成曾妻劉氏

董達遠妻高氏

李美龍妻陳氏

盧鳳儀妻董氏

楊廣喜妻王氏

盧懷山妻周氏

李孟發妻耿氏

楊 四妻張氏

張作舟妻羅氏

柳 德妻周氏

安國舉妻王氏

李廷桂妻佟氏

李昌生妻許氏

張 琛妻董氏

薄殿舉妻田氏

孫 相妻劉氏

閔繼普妻盧氏

王 興妻李氏

張殿成妻鄭氏

邵德貴妻宋氏

董象先妻許氏

李國瑞妻蕭氏

張合文妻計氏

馬 義妻張氏

于從祿妻裴氏

田廣傅妻裴氏

劉百祥妻郝氏

王玉山妻張氏

郝連城妻孫氏

楊永修妻張氏

王彬妻高氏

王守祿妻李氏

高維垣妻鄭氏

王士堂妻張氏

翟蔭亭妻董氏

黃大生妻丁氏

袁廷栝妻黃氏

孫希玉妻王氏

張德積妻牟氏

王畫三妻孫氏

張琳妻李氏

邵儒妻孫氏

王富妻趙氏

孫惠文妻李氏

高鶴妻耿氏

王進德妻鄭氏

李珂妻劉氏

李鑑盤妻魯氏

李才妻馮氏

谷雲台妻傅氏

張鐘妻趙氏

卑殿霄妻張氏

崔珠妻潘氏

劉元英妻孫氏

張梓妻王氏

蘇宗仁妻劉氏

卑起妻宣氏

周致祥妻安氏

李寶妻馮氏

鄭鳳儀妻張氏

周連科妻孫黃永紀妻王氏

田作善妻李氏

金永符妻王氏

王永修妻韓氏

張汝虞妻高氏

常國榮妻宋氏

李慎愚妻董氏

于守禮妻岳氏

吳昆富妻么氏

袁瑩妻劉氏

王君佐妻張馮穆妻孫氏

常鏞妻趙氏

董振鐸妻孫氏

董端妻陳氏

傅青鸞妻趙氏

沈璿妻王氏

楊蘭美妻張氏

王鐸妻鄭氏

于國珍妻董氏

饒庭璉妻甄氏

宋進璧妻王氏

楊鳳舞妻高氏

李永保妻蔡氏

于明年妻常氏

蕭國珠妻周氏

于騰海妻戴氏

蕭建寅妻張氏

李廷俊妻曹氏

趙福法妻苗氏

吳堪妻張氏

張昌泰妻董氏

鄭常泰妻佟氏

董應運妻張氏

楊聯城妻王氏

李尙林妻王氏

王廷禮妻楊氏

王壽楷妻馮氏

么光義妻李氏

李望茂妻孫氏

王秀邦妻張氏

鄭吉林妻王氏

吳克昭妻王氏

鄭守善妻劉氏

江寬妻孫氏

李秀聲妻劉氏

王秉仁妻孫氏

舉人鄭錫被繼妻李氏

沈永剛妻汪氏
么美全妻安氏

谷輝妻孫氏

孟廣志妻李氏

劉玉榮妻宋氏

孟憲林妻姚氏

節孝補遺

李廷妻佟氏
郭連珠妻張氏

原任山西布政使司布政使鄭源濤側室周氏年逾二十夫卒守節撫子成立飲冰茹蘗苦

節完貞七十餘歲故

原任山西布政使司布政使鄭源濤幼女秉德賢淑姆訓夙嫻適樂亭縣武舉李萬清為嫡

妻年未三十守孀無子奉親以孝撫嗣子以慈後因家業衰落紡紆身先勤儉以操內政

志堅冰蘗節勁松筠

候選同知鄭儼次女幼習詩書長適遵化州董恩貴于歸未幾而夫故年甫逾二十寒苦孤

孀柏舟矢志完貞全節六十餘歲卒

王貞女遵化州葛家屯人也幼許豐邑七樹莊陳占魁為配未婚夫亡矢志不嫁欲過陳門

而翁姑因家貧不納貞女即仰藥求死父母救甦不得已強送陳門守節甘貧盡力十指

豐澤縣志 卷之三十一
翁姑賴之以生已逾二十年矣戚族欲公請

旌表因年未五旬限於成例邑令先給匾額曰節孝可風俟合例再爲申請此道光庚子事也邑人陶蘊圃作貞女歌以輓之歌入文苑

張廷傑妻劉氏現年八十五歲由十七歲于歸三十五歲夫故計守節五十年奉翁姑以孝

聞

流寓

蕭然塵外高揖人寰士各有志豈能相強此鴻飛鳳舉之遐踪地因之以增重者也乃若千里命駕有客信信魏晉之風流所由獨妙千古耳其次則借窮愁日月作冷淡生涯未能同同聊復爾爾斯亦極乎遷客羈人之致矣各次其里居姓氏非徒借才望于他邦亦以覘英賢之淵藪云爾志流寓

明李孔昭字光四號潛翁薊州人少孤事母至孝嘗刲股以愈母疾崇禎壬午舉於鄉癸未成進士見時事日非不赴廷對以所給坊銀一百二十兩留助軍需拂袖隱盤山中甲申都城陷白衣冠哭于野三年終制後躬親樵汲菽水承歡若將終身焉宋大中丞以隱逸薦因病不就梁大司馬其同年也造訪則茅茨寂然雲深不知處矣豐潤海上崔翁高其行誼聘爲西席乃扶病奉母往其教先德行後文藝聲譽忘倦旋病篤門弟子來問疾起坐講孟子盡心章曰此聖賢傳授心法也又曰讀詩愛陶此予晚年心意也汝輩誌之遂卒時年四十有八門人私謚爲安節先生知縣吳慎有詩入文苑

國朝何焯字岬瞻號義門江蘇長洲人官翰林院學士童試時爲蘇州太守曹首望所器拔冠

一軍焯博極經史善音人清談精于時藝派別自有明至 本朝諸大家討論極審嚴許
可慎流弊評隲文有行遠集各本行世與淳安方燦如各執東南牛耳方宰是邑焯稅駕
焉流覽山川古蹟所至有題詠惜散逸不傳首望故宅堂額其所書也洞精逾媚直靡董
文敏之壘跋語惓惓師門知己之感纏綿往復亦可見首望之善知人能得士矣

徐文駒字子文浙江鄞縣人知縣羅景泐延爲經師課子駒逸思雲奔英辭兩下揮筆千言
立就邑紳曹鼎望撰縣志時從而商權潤色焉性嗜古文辭經史子集靡不究心蒼萃勝
國諸大家奏疏議記辨考文賦以及金石碑銘千有餘篇各分種類丹黃評隲爲明文遠
定本羅捐貲刻之未卒業而羅卒其鏤板一千二百餘片存之曹姓文駒後成康熙己丑
進士官赤城令

董業棟字隆吉號介石四川彭水人器宇深醇才思淵永年十四受知于李邑侯有國士之
目乾隆壬申舉于鄉會試下第寓研于豐喜豪飲長爪苦吟每友朋讌集輒浮大白十數
轉不竭也詩宗晚唐詞兼蘇辛之勝與隣水甘文林浙江羅堃爲客中三友其同年陳祥
麟曰情真于水腸熱于火躁氣矜心一切不事落落有老成風度於戲得之矣

羅堃一名廷元字枚卜號椒谿浙江錢塘人幼從何玉梁太史游即席賦四明山詩一章用
昌黎南山詩韻揮灑千言如風雨之驟至何大奇之與同里何陳調何維熊何師軾王士
俊蔡應彪錢琦爲桐音集梓桐音課選紙貴一時年三十猶困諸生乾隆甲子就京兆試
始膺鄉薦會試累不第遂渡易水訪無終研租自給時或不名一錢灑如也其賦滿江紅
詞有曰傭書餬口亦賢豪懷刺干人真僕妾可以知其概矣

黃衍相字六治前明福建莆田縣人官內閣中書風規峻厲書法肖歐陽率更是時貂璫竊
柄相以骨鯁觸忤天啓末冥鴻遠舉流寓於豐之開平衛士人得其墨蹟珍如拱璧今唐
山之麓有古塚巍然即其墓也補遺

趙光祖字述園永平盧龍人精書史工翰墨士大夫得其片紙皆什襲藏之嘉慶甲戌成進
士由庶常登臺諫簡放浙省副使旋司臬滇南躋方伯護撫篆所在有政聲解組後卜居
於豐與邑人士詩酒往來比之香山白傅有子三長維賡優貢授中書舍人歷守陝西延
安榆林等府次維颺己酉選拔司鐸良鄉三維藩由國學銓府判獎敘得鹽提舉

張廷瑞字玉峰正定獲鹿人道光辛卯壬辰聯捷成進士由部曹登諫垣膺上考出守維揚

釐弊剔奸政聲卓著引退林下僑居於邑之王家盤杜門課子子書典壬午領鄉薦

楊照藜字素園定州人有逸才博通經史著作宏富纂輯醫方風鑑等書弱冠應童子試爲州牧王兩農所拔識道光甲午領鄉薦甲辰魁南宮宰江右報最洵陞守府省試監內簾擬作數藝士林傳誦爭邀品隲爲榮咸豐初致仕時髮逆竄畿南遂卜居於邑之南青坨子國華中翰次孫蔚楨乙酉拔貢

賀祥麟字麓樵湖南舉人貌質樸學問淹通其詩古文詞樸茂淵懿卓然名家道光末延請主講常課之外加詩賦兩課循循啟誘或擬作一藝以俟隅反後爲清苑令生徒以不得常承教澤惜之著有牛鼎歌溁陽雜感詩入文苑

朱榮五字瑞莽盧龍人由選拔中道光癸卯科舉人咸豐初主講溁陽教誨循循幾二十年受甄陶者登賢書捷南宮聯鑣接踵生徒於講堂懸額頌之曰鹿洞遺風

丁惟善號竹岑浙之山陰人也貌清奇性伉爽幼孤家貧舅氏寓漁陽母欲依之遂北上甫成童遊京師在部習簿籍母沒後因姊嫁於豐遂寄妻孥焉出仕甘省歷任渠審惠審巡檢徽縣縣尉二十餘年頗著勤勞上游殊器重之公餘之暇廣積卷軸與文士相倡和詩

蒼涼悲壯多塞上音其閱歷然也後改官皖省亳州吏目適白帽鐵帽等匪爲亂大府以善昔在甘省徽縣守禦有方且爲人老成諳練也諮以軍務將加拔擢詎因積勞致疾卒於官著有河池吟溁陽雜詠子孫依葭苧故世爲豐人焉

張浩字養直玉邑諸生也博書史熟數理隱於豐之歡坵子檢字情田道光戊子舉於鄉敦行植學豐玉士皆仰之稱其品近於古儒司鐸雄縣多所成就平時研求四子書錄其所心得可補注疏之缺子熙載貢成均亦能繼其家學焉

董象偉原籍山東濟南府歷城縣父元卿官駐防京口鎮海將軍子七人象偉居長雍正時任江南提督蒙 賜象齒摺扇一柄 御筆題詩褒美又 賜白緞一幅墨書節制整嚴四字解職後落戶爽坵棗園莊其孫董樂山於乾隆二十三年出旂列縣庠永歸豐潤籍焉

風俗

上行下效謂之風薰蒸漸漬謂之俗風化行而俗斯成焉顧主持在人變遷由時執古例今有不可以一視者記曰禮從宜使從俗又曰修其教不異其俗齊其政不異其宜爲政之道無以踰此矣志風俗

九州誌曰民勤儉而務稼穡敦樸無華親上好義君子忠誠小人質實嫻騎射尙氣節人材輩出文化昭彰

輿圖備考曰士多文雅人性寬舒沉鷲多材悲歌慷慨自古號多傑士蹈禮義而服聲明漁陽誌曰風俗淳樸人尙節儉

范鎮賦曰風俗樸茂敦尙節義

冠禮前此士夫家猶有行之者今則久闕不講矣

婚禮通媒妁送婚啟用幣帛釵釧羊酒茶菓爲定世族間行親迎禮娶後三日廟見婚女俱

至岳家回門亦有五六日者

喪禮初喪哭殮三日成服自小祥大祥禫服祭葬俱合禮惟競作佛事以避儉親之名

祭禮士大夫家建立祠堂春秋祭祀朔望率卑幼奠茶酒庶人家廟生忌死忌俱設供
正月元旦昧爽拜天地神廟祖先影像親友交拜爲賀

三日祭墓

元宵男女出遊以散百病前後張燈各三日

二十五日以炊糕填倉祈穀有年

二月社日祈年於社取糠粃炭灰洒道入倉謂之引龍煎糕餅薰牀炕謂之薰蟲

三月清明節三日前後祭墓掛紙錢除草培土

二十八日祀東嶽廟及城隍廟

四月八日佛誕結浮屠會

十八日進香碧霞元君廟

二十八日進香藥王廟

五月端午角黍酒果交相餽遺懸符插艾以菖蒲雄黃酒塗耳鼻小兒項各繫長命線

十三日進香關帝廟

六月六日造麩曬書籍衣物

七月七日女子祀織女乞巧童子置蟪蛛於盒乞文

十五日作盂蘭會採蔴穀祀祖先亦有祭墓者

八月中秋親友各以餅瓜餽遺夜祀月

九月重陽載酒登高以花糕餽送親屬

十月朔日祭墓送寒衣蒸炊餅以犒農工

十一月冬至士大夫具箋交拜

十二月八日食臘八粥

二十三日祀竈神

除夕易門神桃符貼春聯葫蘆於戶牖懸祖先影像長幼俱拜聚坐食飲守歲燃松柏木

炭於庭煙火達旦

土音

五讀作無閣讀作稿若讀作饒筆讀作彼藥讀作耀麥讀作賈略讀作料俗讀作須訛讀作挪鶴讀作豪福讀作府阜

讀作富鞋讀作邪給讀作紀飯讀作泛霍讀作火墨讀作密錫讀作西雹讀作包郁讀作宇闊讀作渴瑞讀作睿所讀

作灼上聲碩讀作詔色讀作曬上聲我讀作挪上聲愛讀作乃去聲落讀作勞去聲窄讀作齋上聲北讀作卑上聲白讀作

拜平聲或獲俱讀作槐學小俱讀作鴟覺腳俱讀作絞摘讀作齋耕更俱讀作經國郭俱讀作鍋翟宅俱讀作

齋車讀如差役之差善惡之惡讀作平聲一七八十等字俱讀作平聲木收目某某暮暮俱斂口作鼻音此

類不可悉舉

物產

帝王御世首重明農故堯典授時歷舉作訛成易周書無逸先知稼穡艱難誠以國以民為本民以食為天三時不害百穀用成上為教化之權輿下為衣食所利賴也左太冲序賦三都則云鳥獸草木驗之方志信乎志邑乘者尤貴辨物居方不可假稱珍怪以為潤飾矣邑稱潤澤豐美物利饒多而山則可官海則可府貨財亦資生殖也然腴之斯瘠撫之斯腴長民者利而導之其必有道矣為枚其凡志物產

穀之屬

稻 稌也有芒穀宜下地邑有紅白二色銀絲長嘴紅蓮等名

秈 秈稻也稻之不黏者宜旱種秈俗作粳

秋麥 金玉而生火玉而死又名宿麥高地為宜

稗 稻之黏者可為酒邑呼為江米種俗作糯

小麥 又名春麥火麥春初種之夏至乃熟詩謂之來

大麥 即麩麥詩謂之牟

蕎麥 俗作蕨秋晚始熟

米麥 粒麩味次於麩麥邑多炒之糜麩

黍 即稷之黏者粒大而勻圓色黃俗曰黃米

蜀黍 俗名高糧種出自蜀故名種類極多有紅白二色有黏不黏之異黏者為黍不黏者為黍故又名蜀黍

稷 禮記謂名黍明一統志作糜米黃似黍而不黏俗名糜子

玉蜀黍 苗似蜀黍子藏包中顆顆攢簇色分黃白

穀 有黃白灰三色俗名小米又有糖穀粒小味香

稗 似穀而粒粗米小

菽屬

豌豆 遼志名回鶻豆驚熱下種芒種可食百穀中最先登者

蠶豆 蠶時即可食故名角可為蔬粒可為香餅亦呼樹豆

黃黑豆 均有大小二種青黃者可為腐黑者可飼畜

豇豆 莢必雙本草名豇豆俗呼為爬豆有紅白班各色
菹豆 本草名蛾眉豆俗名沿籬豆又名屢屨豆色白者入藥
菜豆 可為粉可為糕餅
羊角豆 蔓生形如羊角可供蔬
飯豆

俗名小豆色有紫白形類豇豆
刀豆 酉陽雜俎言樂浪有挾劍豆莢生橫斜如人挾劍即今刀豆可供蔬

蔬屬

芥 古名芥菘可醃作齋白芥子可入藥
菘 俗名白菜有青白二種
韭 禮名豐本剪而復生故又名長生菜
蒜 有大小二種小者中國種也大者西域種也
葱 有冬葱漢葱胡葱山葱邑人惟栽冬漢二種有重斤餘者

茄 落蘇也有水茄旱茄之別色亦各異
蔞 本名曰菌邑有營盤松榛雷蔞
蘿 雅作蘆肥有紅白紫青各種入藥名菜蔬
胡蘿 色外紅內黃生熟皆可啖元時始入中國
菠 稜俗名

菠菜唐太宗時尼波羅國所獻
萵 種來自高國故名
山藥 本名諸蓀生于山者為小藥
莧 有青紅二種感陰氣而生與鼈同食能殺人
芹 水旱二種紫白二色紫者不可食
茴 香本

作藜香八九月實可采
藜 一名落藜即藜藿也莖老可為杖別一種名落帚可為帚
秦 椒產於秦故名辣椒又一種名結椒同上者為天椒
茶 亦名苦菜月令四月苦菜秀即此花黃似菊俗名曲菜
蕨 爾

名蕨鼈初生似鼈腳故云
蔓 菁詩謂之葑又名諸葛菜
萵 蒿一名香蒿根赤葉香可為蔬
黃 花菜一名金針菜
莧 蓬一名秦菜爾雅云莧牛蒡
筆 管菜即黃精苗

蓴 葵一名胡葵俗名香菜種來西域
土 芋俗呼土豆
菱 白爾雅翼菰首即今之菱白也

蘆屬

壺 蘆形類不一人以長者名瓠子圓者名葫蘆皆可食
冬 瓜大者三四尺其瓢可洗衣
西 瓜種出西域
黃 瓜種來西域可生啖可蔬
絲 瓜一名天羅
倭 瓜種出東洋

南 瓜種出南番
甜 瓜又名香瓜禮為天子削瓜即此也
苦 瓜其皮入饌絕佳邑人止食其瓢俗呼癩葡萄
梢 瓜有白碧二色生熟食皆可

果屬

石榴天漿也邑所產有紅白二色
櫻桃器所含食故禮云含桃爾雅云櫻荆桃或呼為崖密
梨邑北山產之味有酸
桃色味不一北山多有之
葡萄漢書作蒲陶名目甚多邑

人多於園
杏實大者美
棗邑所產名目甚多士人以為佳品
李邑別有杏李一類
柿俗作柿
栗王逸賦北燕薦朔濱之栗
柰俗呼為賴子
羊棗俗名羊矢棗又

名軟棗按左思賦君遷為歡棗一名丁香柿
山楂俗名山紅果爾雅云執繁梅本草補遺執子山楂一物也
頻婆果古統名奈今分為二為邑中果之極品
榛實如小栗味甘且香
橘橘至江北化為橙邑

中今亦有之特
檳子味較奈稍酸俗有面兒檳虎兒檳之分
芡俗名雞頭菱花背日芡花向日故凌寒入藥名芡實
花紅學圃餘疏即古之林檎
羨桃即胡桃俗名核桃

佛手柑羣芳譜木似朱藥葉尖長有刺
菱角根浮水上實沉泥中有浮根倒生水粟沙角之名邑西南多產之
銀杏一名白果
香櫟一名枸櫞
落花生種宜沙壤仁炒食最美可

和糖作果餌亦可榨
荸薺占云是此邑所產次於南薺

花屬

牡丹又名富貴花
芍藥一離可顧又名婪尾春
海棠邑有貼梗垂絲西府木瓜四種
秋海棠一名八月春邑有紅筋綠筋二種
玫瑰俗名離娘花分栽則茂紅者可入食品黃者花

微小通
榆梅俗名粉團
蠟梅本非梅種以與梅同時故名
桃梅
杏梅
丁香色有白紫生山原者曰野丁香
迎春色黃先春即開
探春色白

開後於
長春俗名金盞盞一名宜野草又名忘憂草詩云焉得護草是也
荷花爾雅云其花菡萏其實蓮其根藕楚辭集芙蓉以為裳即其葉也
鳳仙女兒花也植此可避蛇俗即指甲花

性溫透骨
玉簪花一名白鶴仙未開時如白玉搔頭
雞冠花有黃紅白數種
菊種最多邑文人植之
月季俗名月月紅
金銀花一名忍冬藤可入藥可供名

水仙六朝人呼為雅蒜
桂花邑有柳葉鐵板硃砂四季丹桂等名
蘭花根甜招蟻邑中養此者必以水盆隔之
玉蘭過枝用木筆以花拖麪麻油煎食甚美
繡毬花花團圍如毬

紫薇一名百日花又名滿堂紅俗呼為怕癢花
罌粟花子可為油殼可入藥

木屬

松 百木之長邑 北山多植

柏 側葉者可入藥香者可 供香料邑山中多有之

檜 柏葉松身 所謂檜柏即此

榆 一曰刺榆即樞也一日無姑姑榆蕪蕪 是也一日白粉先者莢如錢邑兼有之

桑 白桑雞 脚桑子桑

邑多

槐 季春五日而免目十日而鼠耳嫩芽 可茹花入藥未開者名槐子可染色

椿 禹貢作榘左傳作檣說文作椿皆一物也邑 有香椿嫩芽可食亦曰榮椿別一種曰臭椿

楊 有白楊青楊移楊俗名 移曰响楊又有赤楊

柳 一物二種有枝硬而 揚者有枝弱而垂者

椒 俗名花椒辛 香不及獨產

杜 一名甘棠俗名杜梨說文杜 曰棠北曰杜其材可任劖刷

棘 有赤白二種結子者名酸棗 其仁入藥不結子者為牛棘

樗 一名雨 師俗呼

為三 春柳

梧 似桐而皮青細而縝 葉赤似桐稍小而銳

桐 其子可以取油者詩所謂其桐其椅是也 有華而不實者書所謂嶧陽孤桐是也

草屬

葦 詩曰惟又曰葦爾雅葦蘆曰葦 一物而三名也邑南界多葦塘

黃白草 可葺屋邑北 山多產此

菸 本出呂宋國名淡巴菰又 一名相思草邑產良多

藍 邑有製藍大藍樞藍三種 又名靛草花入藥名靛

枸杞 葉似石榴苗翳為蔬 子入藥根名地骨皮

菰 一名將有米者曰雕胡有首者 曰線節邑之沱河中多有之

兔絲 無葉有花 子入藥

牽牛 有黑白二種白者 入藥俗呼為天茄

蒼耳 詩

卷耳 俗名 窠耳入藥

苜蓿 子味苦 入藥

夏枯草 俗名雀兒頭人 以子之成占歲

蒺藜 茨也俗呼 蒺藜狗

秋蜂 即淡竹葉開碧花作兩翅如蛾 故名葉入藥花可曬粉染繪

蘇

子 可榨油 亦入藥

車前草 即苕苕也 子黑入藥

益母 穗小紫 花入藥

菖蒲 端午節邑中小 兒多佩之辟邪

薺 開小白花 淪之可食

馬蘭 似蒲而小花藍無香 花可染色根可為刷

鹿藿 俗呼豈豆子黑可 煮食可粉作餅餌

蓼 俗呼水紅花子如粟 黑小而扁可以食

牛舌 子能殺蟲治禿 可解河豚毒

三稜草 邑人多織作 扇以代蒲

黃鬚 嫩枝可蒸食 子黑色可作

餅餌 邑南泊 多以備荒

薏苡 一名回卓一名卓珠鬼人 藥曰薏仁邑人名操草

野稗 俗呼水稗 子可食

葶藶 似芥一名大室一名丁歷入夏 即枯月令孟夏靡草死即此

艾 一名冰臺名 名炙草又名

醫 草

因陳 經多不死之蒿更因 舊苗而生者入藥

黃芩 黃黑色 入藥

瞿麥 一名麥句 薑入藥

白薺 似括婁葉盛 而細入藥

蘇 欄雅謂之桂荏 入藥子可榨油

栝萹實如茄色黃入藥
薄荷楊雄甘泉賦作茺菹莖葉似往而長入藥
細辛又名少辛入藥管子云五沃之土羣藥生少辛是也

羽屬

雞易及禮記俱稱翰音
鴨周禮燕人執鶩即此
鵝舒雁也麥芒誤入喉中曰殺賊以鵝涎滴之立解
鶻性易合故名
鴻雁鴻色正白雁色蒼黑禹貢謂之陽鳥詩疏云大白曰鴻小曰雁
雉尚

謂之華蟲禮月令雉入大水為蜃
鵲一名喜鵲亦名乾鵲
燕善構巢者曰巧燕不善構者曰拙燕來去皆以社時又曰社燕
鷺春鋤也其色正白其孕以目
鷓鴣俗名貓兒頭又名怪

雀蓋伏夜出不祥鳥也
烏鴉即詩之鸛爾雅謂之鵲鵲也純黑者曰烏腹白者曰鴉
鳧俗名野鴨邑港中多此
鷹最健者曰海東青邑人於八九月謀取之
鵝鶩似鵝而大好啖魚蛇鰾可翎箭

啄木烈鳥也利嘴如錐舌端有刺搏物志云能以嘴書符令蟲自出
白翎善鳴邑產頗多
鸛鶉二物也小而黑斑者為鸛大而有斑者為鶉性喜鬪惟青蛙化者不鬪
鶴幾輔通志云豐潤產之然惟近海及南海

偶見不多有
淘河鵜也嘴能容水數升好食魚

毛屬

牛相牛經曰面短毛赤尾擊者天角冷者病病則立而不眠眼下旋毛曰滴淚妨主健亂者觸人眼眼有綠者招官災兩耳間有亂毛者妨主耳後有旋毛者招盜毛少骨多者有力溺前射者良牛為農事所必需特詳誌之
羊宜早放早收勿至日中汗出染

塵即生疥癩秋冬晚放勿食露
馬畏暑不畏寒宜浴不宜曬駒初生以乾土徧擦其身則馴而不啼喘
騾形大於驢力健於馬其力在腰後有鎖骨故不孳乳
驢有蒼黑白三色黑者為上
豬

性喜穢濕婁豬短項無柔毛者宜子
鼠俗呼老鼠鼠其精在膽能治耳聾
犬有田犬吠犬食犬之別生一子者佳古諺云犬生獨家富足黑犬能辟伏尸
狼形如犬頭銳喙尖駢脇皮毛青白者貴國朝品官坐褥一品用狼其糞可作

烽煙直上不斜
獾形似犬而肥好食瓜果皮宜綳褲
貓尾長瘦短目如金銀上鬪多稜者良
狐黃河北者皮毛柔軟為裘最良

鱗屬

鯉魚之若也還鄉河
金色者為佳品

少陽俗呼鰕
蓋魚

鮒魚一名鯽魚形似鯉色
稍黑冬月肉厚子多

鮎魚說文作鯢爾雅作鯢無鱗多肉生
流水者色青白生水者色青黃

鱠殘魚

俗呼靈嵐魚又為刺條
魚即杜尚所賦白小也

鱒魚有黃白二種又一種蛇變者名蛇鱒有毒
夜以燈照項下有白點通身浮水不可食

鮓魚俗呼為
泥鰕魚

鮫魚初春
者佳

魴魚肉多細
刺煎炙

皆美子
魴尤佳

鱖魚其形似鯉浙海佳
品邑海濱亦有之

石鱗魚長寸許生於還鄉河秋水
漲發十八日始見極肥美

鱖魚俗名黃花魚肉作瓣腹中有膽
海濱於四月捕之可用鹽醃食

魴魚俗
名

快魚形色似江南鱖魚邑海
濱入四月捕之可用鹽醃食

比目魚魚各一目兩相合乃行說文爾雅俱謂之鱮俗呼鞋底魚三都賦所謂片則
王餘也邑海濱多有之然別有一種兩目微偏亦名鞋底魚非比目魚也

鱈魚爾雅鱈鰕歸註小魚也似鱈子
而黑俗呼為魚婢江東呼為妾魚

鱈魚爾雅曰鮓俗
呼紅眼鱈

黃魴魚

狀如白魚長不徑尺胸不踰寸偏身細
鱗南人謠為黃姑魚北人謠為黃骨魚

鱈魚

爾雅鱈鰕歸註小魚也似鱈子
而黑俗呼為魚婢江東呼為妾魚

鱈魚爾雅曰鮓俗
呼紅眼鱈

介屬

蟹產於海者介寬有尖產於河者介圓而偏其黃與白
應月盈虧霜前有毒霜後佳冬之紫蟹味尤美

蚌蛤

爾雅作含契月令謂歷種類極多長曰蚌圓
曰蛤殼可為粉大殼為方諸可映月取水

蠃蠃大者如斗小
者如拳邑海

濱多產之又泥河
產曰螺蛤可入藥

蛭產江南者獨脚邑所
產雙脚名女兒蛭

蛤蜊生海濱沙土中曰
殼紫唇堪作醬

蚶爾雅作魁陸本草作魁蛤圓而厚殼有文縱橫
如瓦屋故又名瓦屋子三月得者曰桃花蚶

蝦邑河海兼有之海產大小不等去殼曰蝦米又有麻錢
蝦邑人以做醬名瀾蝦又合配曰對蝦河產曰草蝦

蛇水母也人得之浸以石灰礬水去
其血汁厚處曰蛇頭薄處曰蛇皮

蟲屬

蠶邑無蠶桑之利第
婦女偶畜之耳

蟻

一名蟻蟻一名推申客生糞壤掘
丸而化為蟬頭有三角者入藥

蜂

邑人養之者剖取其所採化蠶炮製為蜜具渣滓則為
蟻若土蜂木蜂馬蜂則毒蟲無益於人惟蜂房入藥耳

蚯蚓

俗名曲蟮亦曰歌女又名土龍與阜螽交月令廣義云端午時於韭畦面東不
語取蚯蚓糞名六泥丸遇魚刺等物梗喉間以少許擦喉外即消白頸者入藥

蟬

蟬蟬也鳴於夏者為蜩鳴
於秋者為螿蟬蛻入藥

蛙一名
蝮

一名田雞與蝦蟇相似
有青蛙金線蛙等名

蟻

本草名孔蟻又名地蠶蟻瘡去
皮黃酒沖服可醫小兒驚風

斑蝥

一名龍蟻飲食
豆花者入藥

蝸牛

蝸牛也爾雅謂之蝸能醫蝸
毒又土蝸生旱地草上俗呼鼻

涕蟲二種 皆入藥
壁虎 能制蝎野生者俗名四色子入藥名山甲

貨屬

鹽 邑濱海鹽有曬成者煎成者上可以佐度支下可以利民用

靛 邑產槐藍吐穗後刈之漚以水投以石灰用木耙搗之成靛秋時客商雲集土人獲利甚厚

油 邑有胡麻油蓖麻油一豆油蘇油與他處無異惟落花生油客商多運以舟車

邑人獲利較厚

棉花 吉貝也有草木二種邑產者惟草種

蓆 邑雨大泊多葦土人以之織蓆轉運四方

麻 苧麻實可榨油子斑紅者人藥黠化者俗名大麻子綿麻可為布亦可做紙縲麻一名頤麻一作苧麻俗名白麻皮可為繩索

邑西南客商轉運舟車絡繹不絕

石灰 燒石成灰以供營建邑東山北山設窰多處亦獲利

黃米饅 京師名曰關東饅始出奉天寧遠州直隸省惟豐潤有之俗呼小鍋饅連京發賣每冬約二十萬觔

木炭 邑北

山村多有之 煤俗曰水火炭唐山及陡河等處產之

雜記

長卿以雜組名詞介甫以碎金題語彼豈樂爲是瑣瑣者乎并奇零而彙于一籍筆墨以永其傳則釐言片字皆能飛光振采以自見于天地間今夫泰華黃河高深至矣而躡天台攀雁蕩者山川之秀邈然遇之物相雜謂之文吾欲云云亦若是則已矣志雜記并補遺

清類天文分野之書曰豐潤玉田薊州保定尾五度此與舊志所載豐潤在尾六七度異矣考之輿圖豐潤與保定縣中間懸隔固安東安武清寶坻等縣何以俱尾五度耶何以又云武清通州三河俱尾二度耶夫其國在此而星則在彼昔人已言之矣特邕于星土不過杪忽之微而分隸若此此正朱子之所謂殊不可解也

綜讀傳志垠城舖即古土垠縣無疑也舊志稱土垠久廢北齊天保八年遷民聚堡爲永濟務億度耳然理必有之魏土地記既在唐前土垠至齊而已廢兵燹坵墟固然矣夫秦晉燕趙目見蕪城何限金墉之大地可方百里室屋基址交錯禾黍間前明中立金墉鎮再經寇亂亦皆瓦礫垠城幻市焉知非千百年鬱勃之氣所蒸變耶

城有四門即王舊志亦云然相傳東首尙有小南門乾隆十七年知縣陳文言修築城垣南門塹土壅塞鑿小南門以便行人門洞宛然如故但不知何時堵塞耳或曰縣龍來良去坤蜿蜒之勢隱伏學前一帶開小南門以仰對樞星則聖域自北而西南明堂既爾軒朗賢關自右而之左龍脉又自接聯地氣既疏科名益盛云云按人才關乎氣運培補風水小焉者耳有明二百餘年科甲止六人 本朝迄今二百餘年已五十一人謂非氣運爲之乎古人有言人受命于天豈受命于戶耶然則小南門之有無不足爲邑之重輕而形家者言固可以存而不論矣

三女河在城南三十里相傳元末姊妹三人避兵亂有兵追至恐爲所污相携投河而死又東去五里爲女過村疑其自東而來也一說昔有三女伊父屠也終日沉醉惟鼓刀而醒解所與飲皆其類也負販乞丐赤身裸足咸與爲交交則痛飲幕天席地不問寒暑酪酊傾倒之餘家計生事置之度外矣鄉人無與立談而伊亦不肯與談知飲酒而已矣居無何三女尙孩幼當其酒酣耳熱則以女許婚跛不能履眇不能視垂白嬰孩奚僮牧豎皆稱子婿不啻十許輩久之强有力者知其濫而不可爲確也潛議略女野合鄉人籍籍聞其語三女亦稔

知之而其母已亡家酷貧少近親無可投愬且懼其父之受僇辱也乃互相抱持哭于關帝廟携手赴水死久之鄉人得其屍三女手相携堅不可解焉抉坎瘞于河澗崩墜隨流者不記歲時矣今村中關帝廟神座後北向塑三女携手投河立像痛哭慘戚怛怛之狀如生嗚呼奇矣由前之說則貞而烈由後之說則烈而孝古之曹娥應不是過而當時無大人先生發爲詠歌勒之金石致使河水常清姓氏湮沒也豈不悲哉

龍潭坵相傳有婦善事其姑姑嗜海魚家故貧乏婦多方致之即至貴亦市一尾供之姑善噉且謂婦之欺已也仰訴于天天仙下降授以竹杖以杖指壅則水溢魚出叱之則止姑偵知其狀給婦他出取杖試之泉飛湍湧不可復遏廬舍漂沒矣婦奮身赴救亦沒于未幾水大聲發水上則婦騎龍冉冉起瞬息水返于穴遂爲龍潭塑女像其上因名龍潭坵

近海村莊有名堂兒莊者莊內有魚骨廟樑柱皆以魚骨爲之士人云此不足異每秋盡時敗鱗殘甲爛死泥沙者不可計數名爲洗海蓋海水潔淨物之無生氣者海所不容則出之于岸似此大魚固間有之也又云每三五年海水忽沸作琉璜氣息隨有燧木千百漂浮海面月內必發雷雨水長平隄有大木從河直達于海其木植立如桅至必昏夜每祿冠以明燈

犯之者輒有風雷之警嗚呼豈真有龍宮海藏之說耶需材構室則更爲齊諧諸書之所未聞矣

豐邑河水皆歸于海然白露以前海口有物橫擔名爲攔江水皆例立或曰龍爲之或曰別有物爲之也

燕山叢錄曰豐潤海出螺大者如斗其壳可以代甌小者如拳壳可製杯詢之士人云每遵化景忠山廟會沿海人輦以赴集繪以文彩盈千累百徧地皆是數十錢可得一具也

釣魚臺在城東北三四里相傳明武宗微行釣魚于此今但存黃土一區而已

溪山一覽樓在城西關外里許近隣還鄉河遠挹鴉鶻諸山嵐光水色襲人衣裾聞今圯

錦溪亭在城南里許朱家莊中有魚池數畝亦曹氏園亭今廢

縣南二十里曰車軸山奇峰特起四面皆平田也對縣城爲前案卓筆峰術者謂文明之徵也金源之撫幽薊居士張翁於山巔右方築率堵波高插雲表而左方建無梁閣上下曲折皆甃磚無寸木瀉樸渾壁玲瓏秀拔兼得其勝而空山乏水卓錫者旋飛錫矣雍正年有僧自遠至曰此名勝也乃於山下掘井數十丈無水水工棄去僧自下審之聞波濤澎湃聲出耳

畔持鋤旁開尺餘泉水怒發色清而味甘環山居民取給焉由是刊山架屋增修寺觀遍祀羣神局寬而勢敞數十年來居然勝地矣茲山之大大不過培塿捨轡登陟仰塔升閣即廢然而返今則仙宇佛刹遍列岩岫環山雜木數千株鬱鬱葱葱更饒佳氣嗟乎山川之靈豈真有待而發耶

天宮寺金天會五年勅加大字爲交鄰駐節地浮圖之建絕無碑記所可異者秀色參天百里外登高遙望森聳絕倫畿輔塔之巨者景州良鄉崇峻接天薊門潞水穹窿隱日高且大矣而酷無神氣惟此浮圖地絕而勢負煙雲縹緲蒼秀蘊蔥真有水勢欲浮層塔去之致夕嵐朝旭互相映帶令游觀者往往瑩目怡情焉豈真金仙幻棲耶按寺至嘉道時惟資生臺巍然獨存荒煙蔓草間世尊佛像黃土一堆無復金身丈六過者傷之迨道光二十年後漸次修理計山門及正殿三層東西配殿與鐘鼓樓各一正殿西偏續修佛殿一層此外客舍僧堂香積廚等房又數十間週遭繚以圍垣約有里餘遠而望之寶塔參天與疊閣層樓相掩映而且鐘聲佛號笙管悠揚聞之使人之意也消士大夫往往游宴於此賦詩把酒洵可樂也每年季春二十三日廟會至期百戲雜陳諸貨雲集一二百里內游觀者連肩累跡實繁

有徒傾耳則車馬喧闐屬目則萬頭攢動誠畿東之名勝也

翠華寺山門內有如鏡碑其光可鑑鬚眉土人呼爲透靈碑又寺旁有團瓢一所倚山爲壁岩峒窈窕磴道紆折中供大士立像云自南海飛來皆稱爲飛來大士梵宇清幽雖盛夏亭午暑氣不到屐齒所經不復知身在人間世矣

泥河寺有白石一片中有黑影如馬毛蠶宛然盤空飛舞此豈北窗炙輶所云之石乎誌之以待識者

文廟象樽一具高二尺許寬一尺有奇竟體綠色塵土膠積拭之不去有一二處未翳者蔣潤欲滴使人懸十日思貯水其中盛暑經月不變形製古拙彷彿昌黎龍頭豕腹之句按窰器譜均州窰有硃砂紅有茄皮紫有蔥翠青俗名鸚哥綠俱砂土爲胎器質麤厚云云則象樽的係均窰無疑矣八廟愾然正無取乎官哥汝定也

牛鼎相傳金時建學有聲出於土中循聲發掘得之明時學胥有置於牆側承屋漏者鼎復嘯不已因色然駭徙置几上而墻劃然崩矣神物之成毀豈偶然耶

還鄉河中細石皆分五色冬時水落從橋上望之爛若披錦然不耐褻玩于千萬中偶得一二

明透晶瑩如黃蠟白玉者差具瀚海石風致置之案頭亦可供清玩也

昔人艷稱燕酒京師有蕙酒北轅錄所云金瀾酒今俱不可得而滄州易州涿水薊州俱以酒名然未聞有漙酒也漙酒以還鄉河水釀之所以獨異者在不藥不煑卽以所漙生酒貯于甕初則淡而有風致審久則香郁味醇不覺使人自醉韓慕廬宗伯督學京畿飲之而甘品爲燕酒第一作詩紀之

關東江魚有花脊一種豐潤山河亦有之大者不過一二觔味鮮美異常松江之鱸當不是過也

春冰始泮還鄉河有小魚大不及半尺名黃國魚骨軟肉細其味絕佳至夏則差減矣再邑近豐臺處有鱣魚青脊白腹長約二三尺極肥美無毒

物產志曰鰣魚頭扁骨軟肉腴味美三四五六觔不等浙海之佳品也豐潤亦有之又有海蝦海螵蛤蜊等物每當冬春之交不覺食指頻搔動也

太原之胰閩閣珍爲奇品然色差亞而除垢亦未淨未若豐胰之膩白滑澤所向若然也他估僞製全不肖不知其所擅場乃在邑所產之桃花城色香俱絕又適于用此今日之玉龍骨

也

縣北多山有草叢生名黃白草質堅而性柔土人於清秋時刈之儲以蓋屋整齊清潔其妙乃過于瓦風日不到冬夏皆宜可五六十年不腐嘗於臨水傍山得數楹隱躍便如身在畫圖中也又南泊產葦極廣亦可代瓦用差亞於黃白草

麥莖結笠南北皆然豐潤麥笠有麤細二種其細者價兼金一二兩有奇士夫而山林者出入常御之

高糧粥須煮之極熟加白糖少許甘美作茨實味久服神氣清爽益壽延年此藍村主人之言也然豐人率喜半熟食之

豐人貴稻然亦不厭黍與高糧有餘之家多食稻早膳必爲黍與高糧食之其貧家食稻或轉不習此與齊魯之人嗜麥麵無異也

區田每田一畝分百十區區方一尺五寸虛實相間鋤極深下每區以糞三升和土使勻種穀十一株器具灌溉皆有一定程則苗出壯碩異常秋穫可得倉石三十餘石邑諸生鄭兆蜚戲行之所得果大倍于常按金史食貨志明昌間勅分道督農民區種甚力未獲成效至泰

和間亦竟不能行大抵此法爲無地力者言之耳金臣夾谷衡有言用功多而所種少後恐費墾畝之田功則徹其究竟矣聞者勿侈談龍肉也

門達祖墓在南關外菴神廟南今俗呼爲石門坑明時抄沒必毀其墳墓薊州城東北崔呈秀墓亦然也

常家莊在城南二十五里有國公墓一座備極赫奕云是開平王後人其居民則國公之苗裔也

王義金時人馘斬宋兵千餘人以功封萬戶候亦有墓在縣南五十里

三國志程普傳注曰普殺叛者數百人皆使投火即日病癘百餘日卒夫叛則有可殺之道使之投火非有加于殺也亦何自而爲癘乎天道好生人不可殺古名將多不克令終豈皆冤獄哉

拾遺記曰田疇北平人也劉虞爲公孫瓚所害疇追慕無已往虞墓設雞酒哭之音動林野翔鳥爲之悽鳴走獸爲之悲吟疇臥於草間忽有人通云劉幽州來欲與田子泰言疇神悟遠識知是虞之魂既進而拜疇泣不自止因相與進雞酒疇醉虞曰公孫瓚購子甚宜急竄伏

避害疇對曰君臣之道生則盡其義今見君之靈願得同歸九泉骨且不朽安可逃乎虞曰子萬古之高士也深慎爾儀奄然不見而疇醉亦醒

舊志曰邑南那母莊陸氏子逸其名莊戶人也其行事無所表見獨其母與其妻之壽有可異母壽一百三十歲妻壽一百四十四歲夫壽者天之所靳若姑若媳何以得天獨優又何以萃於一門耶

豐人呼礮爲水火箭開平及陡河等處產之近山之地穴土二三十丈或三四十丈不等所得較西山與唐山礦務局材差下近來土人相有礮之處穴土二三十丈許卽得之名曰燒煙冬月以之代炭煖生一室且費廉而工省也

去東關三里道南有烽火墩一座潦水冲决其基漸滅者歷有年矣內弓三四面各可長二丈高餘三丈門四關游手者棲托焉戚將軍傳烽歌一炮一旗墻子嶺二炮二旗山海衛云云火傳九邊逾時而遍子然一墩雖與邊關星羅者有間然足見昔人兵防之重也邑舊有堡八座鐵城坎高麗舖沙流河白官屯韓城宋家營胥各莊董各莊擁護縣城屹如金湯今則漸致頽唐豈非守土者之責乎

城北八里許西山下有澄潭焉澄清碧綠無涸時漁人不敢入而測其深廣或曰禿龍之所湫也上有龍王祠遇大旱時官吏居民徒跣禱雨於其處往往多應

有貧婦以乞爲生不知何許人也住城東南半舍許曰常家莊破屋一楹日午不出村人啟扉視之端坐自焚矣膚色黃潤以手擊髮一絲不亂也火熄叩其體錚然作聲喧觀遠近數百人好事者請於邑侯吳公瓌但命瘞之而已吳公此舉大是昌黎謝自然之詩可覆也

關帝閣左方鐵人鐵馬不詳鑄於何時馬頗雄駿人作牽馬勢亦肖生右方石塔康熙丙申邑人王斌修閣卸層石而重整之於基下穴得舍利子七盛以銀匣志以金牌寶色陸離不可方物無名氏佛國記稱悉怛多焚後得舍利八斛四斗爲四大部洲人天供養是八萬四千毛孔無非舍利光矣此大抵禪寂茶毗之餘也穴貯大定錢數百文塔豈金世宗時所建歟既而完好如初加康熙制錢如其數用以志也

城北二十里祐國寺俗名還源寺建於金重修於明萬歷年間松柏陰翳浮圖聳出規模不亞天宮寺而境地幽僻人跡罕到其俗名還源者因還源僧也還源不知何許人寄於寺傭保自給若狂若痴偶出一語卽奇中人皆異之自知死期先一日語人至期鼻口出火灰其屍

舍利落如雨寺僧募塔藏之嘉慶末土人修塔遺蛻宛然而鼻中毫垂尺餘十指甲圍盤腰間遂封誌如故

明正德間有薛道人夫婦各二十餘歲因有所感遂分處修行薛居城北三十里山洞中大蛇盤繞床下虎狼逼處不爲害尋解屍而去如蟬蛻然土人因呼其洞爲薛道洞先是洞中生桃三株甘美異常桃食一顆三日不飢薛逝桃亦尋槁死

慧然俗姓周幼披剃于沙岩寺數十年不出戶晚年歷著幻異或兼旬不食或數席一餐而盡一日呼其徒曰吾明日當歸矣遂沐浴更衣跌坐而逝

本源山東人嘉靖初至庵子峪遇普了爲師講習諸經推爲先覺後居盧谷莊三官廟力耕自食有餘則濟貧乏修路建橋遠近翕然稱之其茶毗亦與慧然彷彿建塔勒銘于廟之西隅

以上三條皆舊志仙釋傳尙有別山和尙通志己人遷安縣茲不復贅其一人字跡漫漶許姓名亦不可得矣

望馬臺在縣西閻家鋪相傳唐太宗征遼屯兵于此有黑色神馬飲于潭尉遲敬德築臺以望遂計得之今黑馬甸深潭猶在石碑墮於水不可考

宋家營在縣南百里相傳唐太宗征遼建營於此於南設煨爐製造兵甲皆送於此營收貯故

名送甲營今名宋家營者誤也以上二條皆王舊志

明莊烈帝末年四月流賊李自成率兵東行入豐潤居於西察院於墻折一壑口踞坐胡床左右雁立旋率衆由宏法寺西街至城外閱視戰馬魏姓邑人出遇一賊拉去劉草暫令立街中少候彼又他往因得乘間逸歸李自成之妻弟住居西街王家呼主人出問何人曰生員也即令戴巾云有人問卽云是我將令其別將居北街唐氏主人出廂房病翁私謂曰我秦王也甚病思一湯水主人泣急搖手令禁聲俄頃捧湯至爲他賊所奪主人又多烹而出秦王乃得一餐矣

關帝之神昭昭海內獨城心之閣神異尤著莊烈帝季世守城之說遠莫稽矣數年前無賴子夜盜神袍瞪視不出亦不語廟祝晨入逐之如塑然既而疾馳捕廳署出袍於懷自訴神譴願受杖乃如數責之飛逸而去萬目共睹也

畿輔通志有兩無終山

一在薊州北五里一在玉田東北三十里

又有兩徐無山

一在玉田東北二十里又盤山志曰一名徐無山通志亦仍其說

古之名山有以其

國名者有以其縣名者無終子國非滕薛比則山之或薊州或玉田皆未可知至徐無山不知在既有縣之後而以縣名山乎抑或在未有縣之先而以山名縣乎三百里內外縣在此

而山在彼則未之前聞也此蓋因田疇有隱居徐無山一事土人香火情深遂爲是附會之說耳載筆者漫無裁斷兩利而並存之謬誤不既多乎

距縣北門三十里許曰左家務渡洩右旋峯巒奇峭俯仰爭變入里餘雞犬桑麻宛若桃源矣屈曲數四坡坳漸高路益險凌霄直上曰小嶺四顧高峯接天朝曦晚霞俯出足下其北則腰帶山之麓蒼松碧水交互掩映人烟出玲瓏嵌空中曩所視爲桃源者荔壳耳豈蒼茫雲水間將有餐沆瀣乘風雲之隱君子乎大山西行折而北蒙茸石隙淋雨後卽清泉趵突可鑑毫髮味清甘啜之若醴以浸茶菴中冷不過也日方中涓涓細流朝夕泉源怒發玩之忘反土人呼海眼泉斯不爲謬河之西爲雞冠山高不及腰帶長則過之延袤而南極頂懸崖儼若雄雞昂首作鬪狀喙之大玲瓏處可通行人人呼爲雞冠崖此山之所由名也迎崖而居之張家莊暨前村星列長老言開闢以來絕不見蝸與蚰蜒爲何似他村則濕生駢集矣一卷土石豈眞與經天列宿所爲昴星者相燭耶至其山之陽有紅石廟夫婦並龕而坐俗稱爲駙馬山神相傳唐帝征遼引路之夫婦所化迺祀於此事屬不經學士大夫弗道也

修志記軼事曰景蓋起於瀟湘西湖也京兆自昔然矣豐之景所謂仙洞題金直市人說虎耳

韓室視潤淮陰伐燕何嘗至此所謂韓者不知誰氏子無是公烏有先生也抑或金元時著姓於此讀書耶秦嶺荆伏唐太宗伐高麗總大軍豈方外士尋幽探奇入僻徑三十里登山乎且爲天子久矣而仍名秦王山又改爲秦望山豈杜拾遺真杜拾姨耶予謂豐邑前臨大海後踞羣山而溷水陡河襟帶左右佳勝處儘多畫蛇添足刻舟求劍是猶汚脂粉於西子王嬙之面而以爲妍妙絕世者也

舊志云自縣西渡溷水十五里高麗鋪高下陸畦涓涓細流時雜車塵馬足間北望則山雲變態頃刻萬狀可以忘暑其近而可挹者又莫如天宮寺西達王家樓曲折淡蕩稻氣與荷香相間顧而樂之恍若置身蘇公隄畔也今則改爲旱田與蘆葦矣

披霞山迤而東北可二十里圓山明秀者古石城也其背則包家港也四山圍遶中多小峰而蒼翠欲滴石皆花紋紅紫素綠五色錯雜而光華膩密積爲文章前明特重其選擅採片石有厲禁穹碑巋然至今矗立廠右蕪沒荒草沙礫中小者八九尺大者方丈餘鱗臥櫛比莫敢擅移尺寸惟村氓用築渠堰祠宇耳民間偶採其餘爲盂碗唾壺決拾之屬遠餽寶爲上珍以較大理十九峯者各有所長真難爲伯仲也然不可爲床桌能致風疾有富室曾罹此

患邑人盛誇土風故諱而不言耳

蝗一名蝻一名蜃洪範五行傳云陽氣所生於春秋爲蝻今謂之蝗皆其類也旱氣動象至矣
又舊說食葉曰蝻音特蝻卽蝗乾隆十八年豐邑蝗災漫山寨野高可盈尺飛則蔽天官率
夫役捕之連車不盡雖勢稍殺然不能盡也陳宮山一帶忽來異鳥千萬長喙黑白色猛如
鷹隼飛掠啄打蝗紛墮如雨王蘭莊等處有巨蟆無算躍而啗蝗或盪其腦或裂其腹其斷
足折翅者皆抱草木死越日異鳥巨蟆不見死蝗墳積洗然空矣

扶輿瑰異之氣不常有必數千百年而一洩有烈丈夫崛起其間以植綱常而持天地非偶然
也如石大用者雖未獲顯擢於世名與天壤俱壽矣考贈詩者十許輩自祭酒陳宗敬首倡
外則金山張俊丁繼文趙初趙博高安杜誥夏鋌而繼之者谷九鼎陳學詩也皆海內知名
士趙初詩有云儒生到此古來少谷九鼎詩有云假若遇君親忠孝能趾美後人子細看三
事惟一理可與陳公之序石生之品稱三不朽矣

國朝休息生養之盛古未有也二百四十餘年民物豐滋閭里不遭兵革除完爲正條鞭外民
間率安枕臥耳明時守城屯操舍餘及邊操軍士六千二百五十名今則馬步共一百四十

一員名而已明指揮十四鎮撫三千戶二千八百戶三十六又有所謂經歷知事今則守備改都司轄三把總開平黑洋河隸焉明派民間養馬一或倒斃破家賠補本縣原養馬一千九百十四疋嘉靖末仍養八百九十疋民壯練餉等銀坐派民戶順治十四年諭直省錢糧則例俱照萬歷初年起科其天啟崇禎時加增盡行蠲除定爲例是皆挾髓淪肌百姓習而忘之也

前明校士考棚設於薊州自莊烈帝季世殘毀後乃移通州矣而嘉靖三十三年督學御史徐兩金赴永平聚考闔邑具呈遂留縣城試士於西察院聞之故老即宏法寺前舊監軍道署是也是時五色雲見按天官書五色雲見喜氣也

讀戚元戎繼光紀效新書而知治兵之善然爲寧波叅將時書耳及爲薊鎮又有新書未之見也明史稱其治兵有方江陵當國亦推心委任克展其才焉王舊志載其籌邊教練之略若束伍操諭戰法號令禁葯賞罰行營各有成法其防守若明哨暗哨架砲守牆臺關塞各有條約其制器若佛郎機千里雷連子銃鳥銃子母砲石砲快鎗火箭機弩木城布城軟壁符牌拒馬蒺藜飄石礮石旗鼓各有圖說以至於嚴軍法以實行伍時差閱以驗守備足糧餉

以養兵力無不擬議周悉皆可爲後世法其父景通早爲名將行過戰場士皆掩鼻景通曰
偉哉烈士名與骨俱香同遊九原無憾矣真是父是子也

高麗國貢使每年冬至春歸徑由邑之南關其輿隸僕從輒携其扇箆貨寶製極粗惡而膠
漆牢固屠賈時或利之士大夫不屑捉也豐人仿其式爲之而小變其法骨以班竹雲竹棕
竹繪以山水花卉翎毛著名畫士如商山紀鉉唐瓚雷炳嘉道以如侯國祥葉成學鄭榮祺
曹銓現在如丁榮慶亦俱生動有致豐扇之名與豐胰並驅畿東良有以也

邑近邊關故武勇之習相沿不變家蓄鬪雞時或合陣勝者大哈樂負者慙然無地爲容明日
復出所有相角不勝不止也鷓鴣善鬪者價廉金百兩有奇或爲他人所得懊惋彌日世族
巨室尤好射獵每於秋盡草枯腰箠插矢臂鷹走狗顧盼偉如也所得狐兔獐鹿之類列俎
陳肴置酒高會以誇豪舉邑產忼爽之人而跣跣之風時或不免予謂射獵諸戲猶賢於呼
盧梟博之一擲千錢也武科先甲駢肩而起職是之故此風俗之未可厚非者也

豐人習武事者率性命以之每從師習騎射技勇不憚千百里之遠或三五年不返家園其學
以遠色絕慾爲本習勞鍊氣之法父兄師友淵源可溯志在必得有頽然疲役者同輩皆嗤

笑之故大科先甲亦與昌黎相埒堅心銳氣深可畏愛秀才師此志以讀書何二酉五車之不可盡哉此舊志云然自道咸來人多尙文武風較昔少殺然較他邑猶差勝云

爽垞之南米厥鎮其西南小集鎮三鎮地勢平曠無所謂山也惟土之凝結而突起者謂之爲坨坨之大小不一也而一脈相連縣亘二百餘里者莫若大佟家莊南之芝麻坨此坨起永郡楊家店山下歷灤境之茨榆坨霍家莊委婉起伏至大佟家莊形勢愈秀陟其巔高數仞步其東西廣里許南臨泊場俯有清溪溪之中捕魚者得魚每於坨穴藏之取歸即鹹俗云取十斤土八斤鹽蓋謂此坨也

堪輿家言雖難盡信而亦不可以誕妄視之豐邑城龍自良起祖山巽入脈東關外岡阜特起來勢莊嚴惜日久年湮不無變易昔魏太守元樞捐貲修補來龍其引文有云巽龍左來衝決受損坤方水去直瀉無情斯言信不誣也况至今又百餘年矣登高而望巽脉已經傷斷惟震方尙有形蹤所賴東門外舊建石橋完好如故可接東來生氣所望後之君子修而葺之母任坍塌焉耳

豐邑廣七十三里袤二百六十餘里幅員亦甚廣矣接壤者犬牙相錯勢使然也然兩有交

界辨之甚易而獨有插花地者四鄰無著孤懸其中每有緊要案情互相推諉此固不可不辨也邑西南五十里黃粟坨豐境也踰街東有南北小衢衢即爲寧河縣之岳家莊自岳家莊而北二里爲豐邑之古良坨由古良坨街中南北路而西則村落地畝屬寧河也自岳家莊而東三里爲豐邑之河夾溜街中有東西小河一道河南村落地畝至村南東西大道爲界則又屬寧河矣此段寧河插花地東西廣三里餘南北袤二里餘四面皆豐境也又西南七十里爲豐邑之南青坨街南首一角專屬寧河周市不踰半里亦四面皆豐境也此二段插花地在寧河則爲安平里第一保地又韓城西五里東歡坨莊惟西南一街名豐潤衢衢屬豐其餘皆遵化忠義里地亦係孤懸插花地果四境盡行查勘筆之邑乘則遇要案及應試籍貫果係何屬或可一覽而即知焉

道光庚子有夷船三次泊於海中近黑沿子地是時岸上兵滿晝夜嚴防恐其乘隙而登岸也乃於九月某日夜半海水大明照徹數百里其光如火閃爍恍同白晝官軍驚起以爲夷船進逼急偵之乃夷船亦懼而遠遁矣意者海神怒其不靖而爲此以助

朝廷兵威歟張融賦海云振駿氣以擺雷飛雄光以倒電又王子年拾遺記云西海有浮玉之

山山有穴穴中水五色若火晝則不明夜則照耀雖波濤洶湧其光不滅是謂陰穴唐堯時其光爛起化爲赤雲輝映百川以應火德是海明乃

盛世之祥徵也夷船之遁宜哉

道光癸未秋董維嶽赴田觀刈將近陡河岸側聞東南天際有風發水湧聲急視之黑雲蔽天中有數龍俄頃已至而前風雨交加身不能起立因盤足於樹根交手抱之其時戶丁吳景山已被風捲去高四五丈嗒然一聲墜於河幸水淺不死頃之黑雲翻轉龍尾下垂其數七赤白青黃不一色俄一白龍欲墜羣龍舒爪拏攫而上一龍掉尾近所抱樹樹爲之拔維嶽隨樹而仆及起而視之龍去已遠矣

瞽者張以誠四歲失怙五歲喪明孝母性聰穎及長習經史好吟詩能默誦制義數百篇尤精於醫皆其族叔名進士豐齋所教也居積數載於九章算法十指轉移分毫不爽自奉儉約不輕然諾惡惡太嚴遇事認真生四女無子年六十有六卒士人俞海作記紀之

舊謂唐山之煤較西山材產差下今則招商局穴地六七十丈所得上等煤足備輪船需用次下者亦勝昔年爲遠近居民所利賴焉

韓城鎮北三里許有交界碑俗云其石可療疾土人斧斤鑿削今石已不盈尺

邑北甘泉寺數山環抱襟帶湫水前峙者圓秀蒼翠古石城山也在寺望西南山村宛如圖畫東北隅山泉泠泠繞寺而南泉所浸潤之石皆紫掘尺深間有青色者以之作硯品在歛石紫石之間

錢家營舊稱前營係國初屯軍之所近村皆灑屬惟中街係豐潤地街西古廟東殿角下有石柱二止露半面高不及三尺周方尺許八面篆刻字跡殘缺難識至乾隆二十四年石柱傾倒僧海量一夜見有光自石柱發上燭霄漢鄉人亦有見之者皆異而不解未幾有客來特言望氣而至撫石柱而語僧曰寶柱傳來久矣體皆八面一曰象風一曰法卦以此柱鎖不祥一方無水火兵革之患宜修之言訖不見僧神之遂募諸善士重修依客言置柱仍舊今人見之猶珍重焉

腰帶山雷磨牧人侵晨至山牧畜聞香奔赴急掇拾方可得烹作羹味不遜口蘑而鮮嫩過之土人以爲珍品

丙戌秋仲邑之神堂村人沿海濱捕魚忽見海中如霞起俄頃紅水漲發諦視水中如數十

人解檻車狀駭而返水落則一巨物斃於岸長七丈圍二丈許頭上一角長尺餘或曰此爲擊之蛟遭天誅也

同治壬戌二月二十六日大風霾昏冥如夜不復辨南北人畜距海十數里者往往飄沒於海神堂村一趙姓漁子見天色驟變急出海登岸行未二里風勢轉撥之使反退不能止幾陷洪波瞥見一人黝面卷鬚用手挽其臂急奔入魚骨廟中少頃神定視黝面人已無有矣其鄉人皆言此漁子素孝其母云魚骨廟即在神堂村側相傳二層殿正梁係魚脊骨所修今爲丹青粉飾不可辨矣

光緒二年制府李傅相 奏派道員唐廷樞察看唐山煤苗甚旺三年 奏派臬司丁壽昌

津海關道黎兆棠道員唐廷樞設立開平礦務局參用西法採煤出產既富成色亦高蓋土人穿井未深無論煤之高低厚薄見煤即鋤故其材差下西人採煤之法先看地勢而尋煤層低穴然後用五寸徑之鋼鑽入地探其虛實低穴既得卽開大井二處徑十五尺深十餘丈或數十丈至煤層之底爲止卽向煤層先開一路高闊約一丈使兩井相連通氣後由該道分開橫路橫路之中再分汊路務使路路相通俾生氣養人兼可點鑿其撐

持均用大木其油鐙均用厚玻璃密罩低穴井底旁另開一小井路旁挖一小溝使各路之水聚於小井其開水機器由大井口而入小井有水卽提不假人力路既乾鐙亦明加以四邊通氣俾工人易於行動至採煤之法先將煤底及兩旁挖深尺許後用鐵鏈一敲則煤成塊自落矣隨將煤用手車運至大井底仍用機器提出每日每人可採煤四噸半每井每日出煤三百噸至六百噸竊聞煤乃古之山林洪荒之世山崩地裂樹木倒塌土覆其上木墜其下地氣發生久而成煤其重下墜則低處之煤勝於高處土人採其上層名爲燒煙職是故耳硫磺爲煤所忌淺井之煤所以臭而煤氣易於傷人今其煤毫無硫磺骨重火急爲 國家輪船要需其次者轉運四方成數亦大非昔時可比

煤河在胥各莊南二里許光緒七年開平礦務局挑濬爲運煤計也東自胥各莊起西至寧河縣之蘆臺止長約七十餘里寬十數丈引蘆河之水隨潮汐上下設閘瀦蓄波平浪靜四時不涸商艘客艦檣密如林來往洋輪疾於奔馬而起濬之處名曰河頭方圓數十畝波水澄清兩岸洋樓花塢目不暇賞稍西橋旁列肆鱗比人煙輳集居然一水陸埠頭也電線一在胥各莊南東北至唐山西至寧河縣之蘆臺光緒八年開平礦務局設一在宣莊

東南踰縣境至山海關西踰縣境至天津縣光緒十年閣爵李督設

鐵路在胥各莊南二里許西自胥各莊起東北至唐山止長約十六七里引火輪車運煤其疾如風光緒八年爲開礦務局而設今更續修至天津二百餘里一日可往返矣

